

TSHWARELO



A re feleng re eme feela nakwana bakeng sa thapelo. A re inamišeng dihlogo tša rena bjale.

² Tate wa rena wa Legodimong, re tšea wo go ba monyetla wo mogolo kudu go ema mo magareng ga baphološwa, le go kgona go opela pina ye ya letago ya kgale ya Kereke, “Morena, ke a dumela.” Go bona Tumelo ya botatawešo e sa phela ka dipelong tša bana ba Gagwe, go theoga go kgabola mabaka. Gomme bjalo ka ge pina e sa tšo re botša, “Re mo tseleng ya rena go ya Nageng ya Kanana.” Re a rapela, Tate, bošegong bjo, ge go na le ba bangwe mo ba sešogo ba dira sephetho seo, bao ba sego ba tla lefelong moo—moo ba ka kgonago feela go dumela Lentšu, ke a rapela gore bjo e tla ba bošego bjo ba tla dirago polelo yela ya mafelelo le go amogela Kriste bjalo ka Mophološi, ba tlatšwa ka Moya wa Gagwe.

³ Re a Go leboga bakeng sa sehlopha se seo se bitšwago Full Gospel Business Men, le bakeng sa se se se emelago, bakeng sa toko. Re thabile go tseba gore ka nageng ya rena go banna, ka lefaseng la kgwebo, ba ba tšea go nako go Go direla, go botša ba bangwe, ba šomiša tšhelete ya bona—ya bona le nako ya bona go thuša ba bangwe tseleng, go ba badudi ba Mmušo wa Modimo.

⁴ Re a Go leboga bakeng sa banešu badiredi fa bošegong bjo, bao ba swerego seetša sa thotšhe, go laetša lefase le la go fifatšwa go tsela ye e išago Letagong, go leloko le lengwe le le lengwe la Kereke ya Modimo yo a phelago, le bakeng sa bao ba tlilego ka gare, Morena, bosetlaboswana. Re a rapela bjale gore ge re katana go bula Lentšu, gore O tla Le abaganya go batho bjalo ka ge re ne tlhoko ya lona. Gomme ge tirelo e tswalelwa, bošegong bjo, gomme re eya gae, a nke go be le masea a sa tšogo tswalwa a oketšwago Mmušong. Goba, mohlomongwe go na le yo mongwe mo bošegong bjo, Morena, yo a babjago kudu gomme a hloka kgwatho ya Matwetwe yo Mogolo, a nke ba e amogele bošegong bjo. E fe, Morena. Gomme ka go kokobela re tla Go fa tumišo, ka gore re e kgopela Leineng la Jesu, Morwa wa Gago. Amene.

Le ka dula.

⁵ Ke ye nngwe ya dinako tše kgolokgolo tša bophelo bja ka, ke ge ke fihla go ema pele ga batho, go bolela ka lethabo la bophelo bja ka, Jesu Kriste, se A se rago go nna, gomme ka gona go ba le monyetla wa go abelana thabo ye le yo mongwe gape yo a sego a ke a tsoge a ba le thabo ye. Ke be ke bolela letšatši le lengwe. Ke be ke le moreri wa mošemane. Ye ke mengwaga ye masometharo tharo ka bodireding. Gomme ke phetše godimo ga botsebalegi bja moreri wa mošemane. Eupša bjale ke fetile nako yeo, gomme bjale ke ba moreri wa kgale.

6 Eupša, letšatši le lengwe le le lengwe, Yena, bjalo ka ge pina e boletše, “O sa gola go ba yo mobosana go feta ka fao A bego a le letšatši pele.” Ge ke thoma go, go kgabaganyetša godimo go mmaraka wa tselaseripa le go lebelela go leba bodikelatšatši, Kriste o ba go fetiša go nna, letšatši ka letšatši. Gomme ge ke na le monyetla wo, go ema pele ga banna le basadi ba kgwebo ba ditšhaba, le go bolela le bona ka se sengwe seo se rago bontši go bona go feta—go feta e ka ba eng ka lefaseng, seo ke, Bophelo bjo Bosafelego. Ga ke nagane go na le e ka ba eng ye kgolwane, go feta yeo nka naganago ka yona, go feta Bophelo bjo Bosafelego.

7 Ge o le yo moswa, o thoma go nagana ka, gabotse, bjalo ka mošemane o raloka dinkgolwanadikologa, gomme mosetsana yo monnyane o ripa mepopi ya pampiri. Ka morago ga lebakana, ke thuto ya gago. Ka gona, a o ya go nyala mosetsana ka mahlo a matsothwa goba a bolou? Gomme ka gona ntlo e swanetše go lefelwa, bana ba swanetše go rutega. Gomme o mo kae?

8 Eupša ke thabile kudu gore go na le se sengwe sa kgonthe, morago ga ge se se fedile. Ka gona o tsena ka gare go se sengwe seo se rago bontši go feta dilo tše dingwe tše. Tšeo, di—di bohlokwa. Ka nnete ke tšona, go yoo a yago go ba mmago ba rena . . . le tatago bana ba rena, le magae a rena le go ya pele, le thuto ya bana. Eupša, ebile le seo, sohle se a senyega. E a ya. Eupša Bophelo bjo Bosafelego ke selo se segologolo ke se tsebago. Bo nkgotsofaditše ge ke be ke le mošemane yo moswa. Bo a nkgotsofatša bjale ge ke sa le monna wa mengwaga ya magareng. Gomme ke na le nnete ge digaretene di ewa go dikologa bophelo bja ka, ke tla thaba go ya go kopana le Yena yo ke šomišitšego bophelo bja ka bakeng sa gagwe.

9 Bjale, go Ngwanešu Tony, mo—mo mopresitente wa lekala fa, gomme ke thabile go ba mo le yena ka kopanelong bošegong bjo, le Ngwanešu Carl Williams le balaodi ba bangwe ba lekala goba baemedi, gomme le lena baeng bohle le rena. Re thabile go ba mo.

10 Nako ye nngwe ke be ke bolela, ke a dumela e be e le ka go Little Rock, Arkansas, ka go Robinson Memorial Auditorium. Gomme go bile le monna yo a fodišitšwego, o bile le mengwaga ye mmalwa godimo ga dikota, a dutše mokgotheng, a rekiša diphensele. Gomme o kgonne, oo, go no menekana, maoto a gagwe a be a golofetše. Gomme a eya tikologong. . . Batho ba mo kwetše bohloko gampe. Bošego bjo bongwe o tlile ka kopanong. Gomme o hweditše karata ya thapelo, gomme a tsena ka mothalong gomme a fodišwa.

11 Gomme letšatši le le latelago o be a belege dikota tša gagwe ka magetleng a gagwe, a sepela godimo le fase mokgotheng, a paka. Gomme ke be ke leka go bolela. Gomme—gomme morago ga lebakana o phagametše godimo, gomme o rile, “Ngwanešu Branham,” o rile, “ke mohuta wa go felelwa ke bohlale.” O

rile, “Ge ke go kwele o bolela,” o rile, “ke naganne o be o le Monazarene.” Seo ke se a bego a le sona. Gomme o rile, “Gomme morago ke bone Mapentecostal a mantši kudu go dikologa,” o rile, “yo mongwe o rile o be o le Mopentecostal. Gomme morago ke go kwele o bolela gore o be o le Mobaptist, goba o hlomamišitšwe ka kerekeng ya Baptist.” O rile, “Ke a e hlakahlakanya. O eng?”

¹² Ke rile, “Oo, seo se bonolo. Ke nna Mopentecostal Monazarene Mobaptist.” Kafao, seo se mmogo.

¹³ Ge ke etla magareng ga batho ba Pentecostal, mengwaga e se mekae ya go feta, ye Morena a nthometšego godimo, ge A beile gore ke be ke swanetše go rapelela bana ba Gagwe ba go babja. Gomme yona kereke ya kerekeleina yeo ke bego ke na le yona ka nako yeo ga se e dumele kudu go rapeleleng balwetši, goba phodišo Kgethwa. E be e le se sešele go bona. Ba mpoditše ke bile mopshikologimokgethwa. Gomme gabotse, mohlomongwe ke fetogile mopshikologimokgethwa. Ga ke tsebe. Eupša ke thabile gampe, e ka ba eng ke lego. Gomme yo mongwe o rile ke lahlegetšwe ke monagano wa ka. Ke rile, “Gona nno ntlogela ke nnoši, gobane ke thabile kudu ka tsela ye go feta ke be ke le tsela ye nngwe.” Kafao ke—ke no ikwela gabotse ka tsela ye. Gomme ke. . . E bile lethabo la go se bolelele.

¹⁴ Eupša ge ke etla magareng ga batho ba Pentecostal, ke—ke naganne go be go le sehlopha se tee feela sa bona. Gomme morago, ka tla go hwetša, go no ba e ka ba dihlopha tše ntši tša go tswikagana, ka go bona, bjalo ka ge go bile ka kerekeng ya Baptist yeo ke tšwago go yona. Ka gona ga se ke tšee mahlakore le dihlopha e ka ba dife. Ke lekile go ema magareng ga bona bohle le go re, “Re banešu.” Le a bona? Gomme woo e bile mokgwatebelelo wa ka ge e sa le: go bona kereke ye kgolo ya Modimo yo a phelago e kopane mmogo ka tumelo le thapelo le matsapa.

¹⁵ Gomme ka gona ge Banna ba Kgwebo ba Full Gospel Business Men ba hloma sephedi sa bona, ka gore ga se bona mokgatlo. Ke bona sephedi. Gomme seo se tšere dihlopha tšohle. Gomme se mphile lefelo, gomme ba ntšee tše ka tlase ga lefego la bona. Gomme ke leboga kudu bakeng sa sebakabotse go bolelela Banna ba Kgwebo ba Bakriste, gobane fao ke kgona go hlagiša tumelo ya ka magareng ga dihlopha tšohle ka nako ya go swana. Gomme e bile selo se segolo go nna. Gomme ke nna wa mokgatlo o tee, woo ke Full Gospel Business Men.

¹⁶ Gomme go dira seo, go na le ka Afrika bjale, moo re beakanyago, go ya gonabjale, tlase ka Afrika Borwa, moo Morena a re filego ye nngwe ya dikopano tše kgolokgolo tšeo ke naganago A kile a re fa, e bile tlase ka Afrika Borwa, moo re bonego badudibasetlogo ba batala ba dikete tše masometharo

ba amogela Kriste bjalo ka Mophološi ka go tirelo ya sekgalela se sengwe. Ba ngwadišitše dikete tše masometharo.

¹⁷ Mosong wo o latelago, ge Sidney Smith, ratoropo wa Durban, o mpiditše mogaleng, e bego e le ka kopanong. Re bile le ka mokgwa wo mongwe e ka ba dikete tše makgolopedi setetiamong, goba—goba lebaleng la mekato. Gomme o rile, “Eya lefastereng la gago gomme o lebelele ntle ka lefastere.” Gomme go tlile merwalo ye šupago ya dibene. Gomme tšona ditheraka tše kgolo tša Seisimane ka go direga, gabotse go kgabaganya kamora ye, di tletše ka dikota le ditulo tša bagolofadi, le—le dilo tše batho ba bego ba robotše godimo ga tšona, letšatši pele. Gomme ba be ba sepela ka morago ga ditheraka, ba opela, ka diatla tša bona ka moyeng, pina ye le e opetšego dinakwana di se kae tša go feta, “Dumela feela, dilo tšohle di a kgonega.”

¹⁸ Gomme nna, pelo ya ka, ke rile, “Morena, le e tla ba letšatši la segopotšo go nna.” Gomme matšatši a se makae. . . letšatši. . . Ke be ke swanetše go ba kua matšatši a mararo feela. Gomme ke moo ke boelago morago gape bjale. Gomme kua, matšatši a mararo, gomme ke—ke no se tsebe sohle se diregile eng. Seo se tlile ka feela mohlolo o tee Morena a o dirilego mo sefaleng; a fa mošemane, yo a bego a sepela ka diatla le maoto a gagwe, bjalo ka mpša, o mmušeditše go monagano wa gagwe wa maleba le go mo otlolla, pele ga batho. Gomme letšatši pele, batho bale ba ile ba swanela go tswalelelwa ka legora gobane ba be ba ne ntwala ya semorafe. Gomme bjale ba be ba le khutšong, ba sepela ka matsogo a bona go raretšana seng, ba opela, “Dumela feela, dilo tšohle di a kgonega.”

¹⁹ Ke a le botša, Ebangedi ye botse ya kgale, le ge e le bonolong bja yona, ga se ya ke ya loba maatla a yona ge e rerwa ka bonolo bja tsogo ya Kriste. Gomme ke. . . E gola go ratega go nna, letšatši le lengwe le le lengwe.

²⁰ Gomme ge o le rakgwebo mo bošegong bjo, gomme ga se wa tla ka kopanelong e ka ba efe ya Banna ba Kgwebo, a nke ke digele Full Gospel Business Men ye. Ga wa swanela go ba wa kereke e ka ba efe, goba—goba kereke e ka ba efe o lego ka go yona, go lokile ka go phethagala. E na le thaetlele “Full Gospel Business Men.” Eupša ga ya swanela go ba monna wa Ebangedi ya go tlala go e dira. Mamethodist, Mabaptist, Molutheran, Mapresbyterian, ebile le baprista ba Katoliki, e ka ba mang a lego fale.

²¹ Le a tseba, ke a dumela Jakobo o epile sediba gomme Bafilisita ba mo raka go tloga go sona. Ke a dumela o se biditye, “bohlwele,” goba se sengwe. O epile se sengwe, ba mo raka go tloga go seo. O se biditye, “kgakgano.” Gomme ba epile sa boraro; o rile, “Go na le sekgoba sa rena bohle.” Kafao ke nagana se ke se e lego sona; go sekgoba sa rena bohle fa. Gomme re tla thaba

go ba le lena ka lefelong le la Tucson mo, go tla ka gare le go kopanela le rena.

²² Gomme ka gona le se lebale kopano ya Phoenix. Gomme bjale, ke a tseba ga ra swanela go fa kwalakwatšo go tšwa sefaleng fa, gobane re dirile yeo pholisi. Eupša go beng se sohle se amana le Full Gospel Business Men, ke swanetše go ba le thapelo bakeng sa balwetši, le go rera, matšatši a mane pele ga kopano ka Ramada, Desemere ye e tlogo. . . [Ngwanešu o re, “Janaware.”—Mor.] Janaware. . . [“la 19 go kgabola la 23.”] la 19 go fihla go la 23. Letšatši nne. Ke tla thoma ka la 19, a yeo ke nnete? [“Ya.”] Ke thoma ka la 19. Gomme ka gona ke na le ya matšatši a mane, kopano.

²³ Gomme go lena batho ba Tucson, Lamorena le le latelago bošego, ke rapelela balwetši, godimo ka go Assemblies of God, Grantway, kereke ya Ngwanešu Arnold Mack. Ge go na le yo mongwe a babjago gomme a rata go tla ka gare, ke tla be ke bolela fao, Morena ge a rata, Lamorena la go latela bošego, ke rapelela balwetši.

²⁴ Gomme bjale a nke ditšhegofatšo tša Modimo di khutše godimo ga lena. Gomme ge o na le Beibele ya gago, ke rata go ya ka pela go Lentšu, gobane ke a tseba ba bantši ba lena le a šoma gosasa. Gomme ke tla bolela le lena bošegong bjo go tšwa go Lengwalo leo ke nyakago go le bala go tšwa go puku ya Baroma, Baroma tema ya 8. Gomme re nyaka go thoma go temana ya 28, le go bala go theoga go fihla go temana ya 32, go akaretša. Baroma 8:28.

Gomme re a tseba gore dilo tšohle di šomela mmogo go iša go tše botse go bona ba ba ratago Modimo, go bona ba ba . . . biditšwego go ya ka morero wa gagwe.

Ka gore ba a ba tsebetšegopele, gape o ba kgethelapele go fetogela go seswantšho sa Morwa wa gagwe, gore a be leitšibolo magareng ga baena ba bantši.

Ka go fetiša ba a ba kgethetšegopele, bona gape o ba biditše: gomme ba a ba biditšego, bona gape o ba lokafaditše: gomme go bona a ba lokafaditšego, bona gape o ba tagafaditše.

Gona re tla reng go dilo tše? Ge Modimo a na le rena, ke mang a ka bago kgahlanong le rena?

Yo a sego a tsebafa Morwa wa gagwe mong, eupša o mo gafa bakeng sa rena bohle, a ka se ke bjang gape a re fa dilo tšohle tuutšea?

²⁵ A nke Morena a oketše ditšhegofatšo tša Gagwe palong ya Lentšu la Gagwe. Gomme bjale ke nyaka go bolela ka thuto ya: *Tshwarelo*. Beibele e boletše mo, bošegong bjo, gore, “O re file dilo tšohle.” Gabotse, ka kgonthe re ka se kgone go bolela ka “dilo tšohle.” Eupša re tla tšea selo se tee seo A re filego, gomme

seo ke: *Tshwarelo*. Gomme ke nagana leo ke lentšu la letago, go “swarelwa.” Ka gore, bohle re molato wa sebe. Bohle re dirile sebe gomme re hlaelelwa letago la Modimo. Gomme Modimo, ka Morwa wa Gagwe, o re swaretše go tšwa go molato wo wa bokgopo le sebe.

²⁶ Gomme tshwarelo e nkgopotša kanegelo ye ke e badilego gatee, ya ka go Ntwa ya Diphetogo, ke a dumela e be e le yona. Gore, go be go le monna, lešole, lešole la go lwa ka maoto le le bego le dirile se sengwe se se bego. . . Dikgorotsheko di be di mo hweditše molato gomme o be a ahloletšwe go thunywa. Ke a dumela e be e le, go hlokomologa lefelo la gagwe la mošomo ka nako ya ntwa. Gomme o—o be a eya go bolawa ke sehlopha sa go thunya.

²⁷ Gomme moisa yo mongwe o kwetše monna yo bohloko kudu go fihla mafelelong a dirile tsela ya gagwe go mo—mo Mopresitente yo mogolo Lincoln. Lincoln, go beng mokgomana wa Mokriste. . . Ba rile o be a nametše godimo ka karikana ya gagwe ge motseta a kopana le yena. Gomme o wele ka matolo a gagwe gomme o rile, “Mna. Lincoln, mopresitente wa United States, mohlomphegi yo botho,” o rile, “Ke kgopelela yo mongwe kgaogelo, go tsebeng gore o Mokriste, le go tseba gore o na le boleta ka pelong ya gago bakeng sa ba ba lapilego.” O rile, “Mogwera wa ka o be a le lefelong la mošomo moo a bego a tsemilwe, eupša ge dithunya di be di rora gomme dikanono di thunya, o ile a tšhoga gomme a tlogela lefelo la mošomo. Mna. Lincoln, o be a sa re go e dira. Ke monna wa go loka. Gomme bjale, mo bekeng go tloga letšatši le, o swanetše go hwa ka sehlopha sa go thunya. Ga go tsela ya go mo phološa ntle le ge o ka saena tshwarelo ya gagwe.”

²⁸ Mna. Lincoln, ka megokgo ka mahlong a gagwe, o gogile seripa sa pampiri go tšwa mokotleng wa gagwe gomme a ngwala godimo fao, “Nna, Abraham Lincoln, ke swarello monna yo bakeng sa *seo*, gomme a ka se hwe,” gomme a saena leina la gagwe go yona.

²⁹ Gomme monna o mo file ditshegofatšo tša Modimo. Gomme a boela morago kgolegong, gomme a re go mogwera wa gagwe, “Ke na le tshwarelo ya gago.” Gomme o e gogetše ntle, godimo ga ntsekana ya pampiri, le go mmontšha.

³⁰ Gomme monna o rile, “O se ke wa nkgolla. Ke nna yo ke lokišetša go hwa, gomme ka gona o tla le se sebjalo ka seo? Ga ke e dumele. Ke no se kgone go dumela. Seo ga se bjalo. Monna mang kapa mang a ka kgona go saena leina la gagwe, ‘Abraham Lincoln.’”

³¹ O rile, “Eupša wo ke mosaeno wa mopresitente.” O rile, “O swaretšwe.”

³² Gomme o retolotše mokokotlo wa gagwe gomme a tloga. Gomme monna o hwile ka tlase ga sehlopha sa go thunya.

³³ Gomme ka gona mo go to—to—to tokollo go tšwa go Abraham Lincoln, mopresidente wa United States, go lokolla monna yo, gomme efela ba mo thuntše. Kafao, e sekilwe ka go Dikgorotsheko tša Feterale, gomme sephetho sese, “Tshwarelo ga se tshwarelo ntle le ge e amogetšwe bjalo ka tshwarelo.”

³⁴ Kafao se bošegong bjo seo ke se badilego, gore Modimo o re fa dilo tšohle, gomme O re fa tshwarelo, ke tshwarelo go bao ba nyakago go amogela Lentšu la Modimo bjalo ka tshwarelo. Eupša e no, feela re no e bala, ga go re gore o lebaletšwe. Go ra gore o swanetše go e amogela bjalo ka tshwarelo ya gago, gore Modimo o file Morwa wa Gagwe go hwa sebakeng sa gago, gomme gona ke tshwarelo.

³⁵ Go lokollwa go tšwa go molato, ke se re ratago go se bea godimo go ye. Tshwarelo go tšwa go Modimo ke tokologo go tšwa go molato. E sego go retologa ka thuto ya saekolotši ya mohuta wo mongwe yeo ka tsela ye nngwe e go fago maikutlo a mannyane gore o dirile se se lokilego, ka go tšoena kereke, goba go tšea thutotumelo ye e itšego. Eupša ke—ke tokologo go tšwa go molato wa gago, ka maatla a Khalibari. Se sengwe se go lokolotše. Ga go sa na molato. Beibele e re, ke a dumela, go Baroma 5:1, “Kagona bjale ga go na go lahlwa go bona bao ba lego ka go Kriste Jesu, bao ba sa sepelelo ka nama, eupša ka morago ga Moya.”

³⁶ Bjale, monna, ge a lokolotšwe go tšwa sebeng, monna goba mosadi, ga go sa na tlhologelo ka pelong ya bona go sepela ka morago ga dilo tša lefase. O lebaletšwe ka go lokologa le go ba sebopiwa se seswa ka go Kriste Jesu. Gomme marato a gagwe a beilwe go dilo tše di lego godimo, moo Kriste a dutšego ka seatleng se setona sa Modimo. O lokolotšwe ka tuutšea. Ga se a swanela go ba le moprista tsoko go mmošša goba modiredi tsoko go mmošša. O tseba ka go yenamong gore o swaretšwe, gobane o e amogetše godimo ga mabala ao Modimo a e rometšego go yena, ka Jesu Kriste. A maikutlo a lego go lokologa go tšwa sebeng!

³⁷ Ke boditšwe, ge Kwalakwatšo ya Tokollo e be e saenwa bakeng sa makgoba ka Borwa, mengwaga ye mentši ya go feta, gore nako ye e beilwego yeo ba bego ba lokologile e be e le go hlabeng ga letšatši mosong wo o itšego. Gomme bohle ba tšwetše ntle go tšwa go polantase ya kgale. Gomme ba bantši ba masogana ba nametše tsela go ya ntlhoreng ya thaba, gobane ba kgonne go bona letšatši le hlaba pele, gomme ka gona bakgalabje, gannyane ka fase ga fao, morago basadi le bana patogeng. Gomme ba be ba letile nako ye telele pele ga seetša sa letšatši. Gobane, mapanta a bokgoba, meleko ye methata e be e marakile bophelo bja bona ka bohloko, gomme ba ba be ba hlologetše letšatši leo ge ba tsebile gore ba be ba swaretšwe. Gomme Kwalakwatšo ya Tokollo e rila “Ka letšatši le le itšego le, go hlabeng ga letšatši, ba lokologile.” Gomme ba be ba hlologetše go bona iri yela ge letšatši le hlaba, go lakalela kudu go fihla ba nametše dithaba.

38 Oo, ge badiradibe bošegong bjo ba ka kgona feela go lakalela kudu go tseba gore o swaretšwe. O swaretšwe motsotso ge o amogela Jesu Kriste bjalo ka Mophološi wa gago. Gona o swaretšwe.

39 Ba boletše gore masogana a letile. Gomme ka pela ge letšatši le thoma go hlaba ka bohlabela, ba goeditše fase go batšofe, “Re lokologile!” Gomme batšofe, go basadi le bana, “Re lokologile! Re lokologile!” Gobane letšatši le be le hlabile.

40 Oo, ge motho a rekišitšwe ntle go sebe, gomme ge Morwa wa Modimo a tlile godimo go tšwa lebitleng mosong wola, bakeng sa tokafatšo ya rena, ke nagana e swanetše go ba kgoeletšo go kgabaganya ditšhaba, “Re lokologile go tšwa sebeng le dihlong, re lebaletšwe ka tuutšea ke ditlemo tša Khalibari.” Ga go selo se segolwane se ka kgonago go fiwa moloko wa motho.

41 Ge motho a dirile sebe ka serapeng sa Edene, o tshetše legaga le legolo, a ikaroganya yenamong go tloga go Yena wa Gosafelego. Motho ka nako yeo o be a le wa Gosafelego le Modimo. O be a se na bolwetši, manyami, goba lehu. Motho o be a se a direlwa go hwa. Hele ga se ya direlwa motho. Hele e hloletšwe diabolo le barongwa ba gagwe, gomme e sego bakeng sa motho. Gobane, ba hloedilwe lefaseng go ba barwa le barwedi ba Modimo. Eupša ge motho a dirile sebe gomme a tshetše go kgabaganya mothalo wa mollwane gare ga botse le bobee, o ikarogantše yenamong go tloga go Modimo, a se itlogelela yenamong tsela ya go ya morago. O be a lahlegile ka go felela. O be a ka se kgone go tla morago, gobane o be a dirile sebe.

42 Eupša, Modimo, wa go huma ka kgaogelo, o amogetše kemedi. Gobane O be a rile, “Letšatši le le jago fao, letšatši leo le a hwa.” Gomme toka ya Modimo le bokgethwa bja Gagwe di nyaka lehu, gobane ke Lentšu la Gagwe. Gomme O swanetše go boloka Lentšu la Gagwe, gore a be Modimo.

43 Gomme bjale, lerato le A bilego nalo go moloko wa motho, gomme efela o ile a swanela go ba bona ba arogane go tloga go Yena, le kopanelo yeo A bilego le yona le bana ba Gagwe ka serapeng sa Edene, ka go seemo sela sa go kgaola pelo seo A ilego a swanela go ba ka go sona nako yeo yohle, gobane Lentšu la Gagwe le rile, “Letšatši le o jago fao, letšatši leo o a hwa.”

44 Gona, re ka kgona go ithekgā godimo ga se, e ka ba eng Modimo a e bolelago ke therešo. Le swanetše go tla go phethega. Modimo a ka se kgone go gomiša Lentšu la Gagwe, le a bona, gobane Yena ke mohlokamagomo, gomme Yena ke wa Gosafelego. Gomme sephetho sa Gagwe sa mathomo ke sephetho sa nako yohle. Ga A swanela go—go se gomiša gobane O ithutile kutšwana ka sona. Yena ke mohlokamagomo, le go thoma. Gomme kagona, ge Modimo a bolela e ka ba eng, e ka tsela yeo ka go phethagala. E ka se tsoge ya fetolwa, gobane ke sephetho sa go phethagala.

45 Gomme ka gona tsela ye Modimo a dirago godimo ga—ga balatedi ba ba amogelago sephetho sa Gagwe, e tla dira go ya go ile godimo ga molatedi yo mongwe le yo mongwe yo a amogelago sephetho sa Gagwe ka tsela yeo. Kagona, ge A dirile tsela bakeng sa motho go phološwa, tsela ya mathomo A e dirilego ka mehla e dutše ka tsela ya go swana. Gomme ge Modimo a tshepišitše phodišo go balwetši, godimo ga tumelo go e dumela, e dula e le ka tsela yeo. A ka se kgone go e gomiša. Le a bona? O swanetše go dula a le ka tsela ya go swana.

46 Bjale, Modimo o amogetše kemedi bakeng sa motho ka serapeng sa Edene, gomme yeo e be e le tsela ya sehlabelo sa madi. Madi a ile a swanela go lefa poreisi. Gomme go bile go swana go ya go ile. Ga se gwa ke gwa tsoge gwa ba tsela e ka ba efe ye nngwe, goba e ka ba eng gape, ye e kilego ya tšea lefelo la wona. E be e le madi. Tsela e nnoši yeo Modimo a amogelago bana ba Gagwe morago, ke ka kemedi ye ya madi. Ga go poreisi ye nngwe e ka kgonago go lefša. Ga go selo gape se ka dirago. Sephetho sa mathomo sa Modimo ka mehla se phethagetše, gomme ke sa Gosafelego. Gomme re a tseba gore yeo ke therešo, gobane Modimo a ka se kgone go aketša, gomme A ka se kgone go gomiša Lentšu la Gagwe. Ge e sa le go tloga nako yeo, e bile tsela e nnoši ya Modimo le lefelo le nnoši la kopanelo le motho. Bjale, sehlogo e bile . . .

47 Bjale, lentšu *lehu* le ra “karogano.” Ge re ehwa ka tsela ye, ga go re . . . Lehu la rena la nama ga le re gore re hwile. Jesu o rile, “Yo a dumelago go Nna, le ge a hwile, efela o tla phela. Mang le mang a phelago gomme a dumela go Nna a ka se tsoge a hwa.” Bjale, *lehu* lela, go bolela ka lona fale, ke “karogano” go tloga Bogoneng bja Modimo. Eupša lehu la nama le re swanetšego go ya go le kgabola mo, efela ga se lehu. Re sa le ka Bogoneng bja Modimo. Re sepela go tloga lefelong le go ya lefelong la kgauswana le Yena, ka Bogoneng bja Gagwe. Ga se lehu le re le bitšago “lehu,” le re le bitšago mo.

48 Elelwang, O rile go mo—mo mosetsana yo a hwilego, morwedi wa Jairo, “Ga se a hwa, eupša o robetše.”

49 Gomme ba Mo segile wa mo golla, Yena, a tseba gore o be a hwile. Leo ke lereo la bona, “O be a hwile.”

50 Eupša Jesu o rile, “O robetše.” Gomme O ile le go mo tsoša, gomme o boile morago bophelong.

51 Bjale, go tloga go Adama go fihla bjale, motho o lekile go dira kemedi ya gagwe mong. O lekile bokaonekaone bja gagwe go dira se sengwe bokaonana gannyane go feta se Modimo a se dirilego nako yela. Gomme seo e no ba sa tlhago ka go motho. Motho ka mehla o leka go—go dira se sengwe se sekaonana, go se dira ka tsela ya go fapana. O nyaka go lahlela dikgopolo tša gagwe mong ka polaneng ya Modimo. Gomme ke ka baka leo re emego bošegong bjo re arogane, batho ba Bakriste ba lefase, ka dišitiši,

ka dišitiši tša kerekeleina. Re . . . E dira se ka baka la gore motho yola o lahletše kgopolo ya gagwe mong ka polaneng ya Modimo. Go tloga go Adama go fihla bjale, bjalo ka ge ke boletše, go bile ka tsela yeo.

⁵² Adama o hlagišitše go nagana ga motho, ka serapeng sa Edene, ge a itiretše thethwana ya gagwemong ya letlakala la mogo go lebana le Modimo. Ke se sengwe a se dirilego, yenamong. Gomme go tloga go matlakala a mogo, o lekile thuto, ditora, ditoropokgolo, medingwana, tlhabologo, kerekeleina. Eupša ka mehla e dula e swana. Modimo o amogela balatedi ba Gagwe feela ka tlase ga Madi. Yeo ke phetho.

⁵³ Thuto ka go felela e šitilwe. Ge re rutega kudu, re a katogana seng sa rena. Kerekeleina e šitilwe ka go felela. Re thala methaladi le dišitiši, gomme ye nngwe le ye nngwe e leka go iša kerekeleina yela godingwana go feta ye nngwe, gomme e roba kopanelo. Tlhabologo e nno e tlišitše feela kgakanego. Ditoropokgolo, ditora, le e ka ba eng gape, tšohle di šitilwe. Gomme polane ya Modimo e sa dutše go swana: ka tlase ga Madi.

Madi a a swanetše go ba madi a a pealadišwego. Ka serapeng . . .

⁵⁴ Morago mo nakong, a ke re, ya Israele, ge Israele e ile ya swanela go bolaya kwana le go bea madi godimo ga dijakwana le godimo ga kota ya mojako, Modimo o nyakile seo. Gomme seka seo se swanetše go ba fao, ga go kgathale maemo a mangwe. Bona banna ba ka be ba laeditše gore ba be ba le Baisraele ba ba boloditšwego. Ba ka no ba ba ipoletše gore, “Re dumela lentšu le lengwe le le lengwe leo Jehofa a le bolelago.” Eupša seo ga se se le rake. Ba ile ba swanelwa ke go pealatša seka seo. Madi a swanetše go laetšwa.

⁵⁵ Ke ka tsela ye go lego bošegong bjo. Ke a dumela gore Mokriste yo mongwe le yo mongwe o swanetše go pealatša Madi a Jesu Kriste ao a ba hlwekišitšego go tšwa go dilo tša lefase, go sa kgathale.

⁵⁶ Bjale, ka nakong yela, seka se swanetše go ba godimo ga mojako. Se swanetše go ba fao, go sa kgathale ntlo e be e le ya bodumedi bjang, batho ba bodumedi bjang, ba be ba godišitše bana ba bona gabotse bjang, ba be ba tšena kereke kereke gabotse bjang, ba be ba pealadišše dilo tšohle tšeo Modimo a di boletšego gabotse bjang. E sa le, ka go iri yela ya mafelelo, moo e laeditšego gare ga lehu le bophelo, madi a be a swanetše go pealatšwa. Gomme madi a bontšhitše gore kemedi ya go hloka molato e be e tšerwe ka lefelong la morapedi. Gomme khemisitiri ya madi, madi a mahubedu wonamong, e be e le leswao godimo ga mojako gore ntlo ye e be e bolokegile, ka tlase ga madi. Bjale, seo e be e le sekai.

⁵⁷ Bjale, ka matšatšing a a mafelelo, re tla morago gape go iri ya Modimo a lokolla Kereke ya Gagwe. Ke—ke a e dumela. Gomme

ka nnete bjalo ka ge madi ale a ile a swanelwa ke go emela segopotšo, kafao seka se swanetše go ba bjalo. Se a nyakega lehono. Ka gore, bjale, ga se ba kgona go tšea khemisitiri ya Madi a Morena Jesu gomme ba e bea godimo ga mojako wa pelo ye nngwe le ye nngwe.

⁵⁸ Eupša, le a bona, nako yeo, phoofolo e hwile, e bego e le kwana. Gomme go bontšha gore phoofolo e be e hwile, madi a be a le mojako. Kafao bophelo bjo bo bego bo le ka go phoofolo bo be bo sa kgone go tla godimo ga morapedi, gobane phoofolo ga e ne soulo. Kafao bophelo bjo bo bego bo le ka go phoofolo bo be bo sa kgone go tla godimo ga morapedi.

⁵⁹ Eupša, lehono, ge Madi a Morwa wa Modimo mong a tšholotšwe kua Khalibari bakeng sa tshwarelo le khunologo ya rena, bophelo bjo bo bego bo le ka Mading ao e be e le Modimo Yenamong. Gomme Moya wo Mokgethwa o bowa godimo ga Kereke ya Gagwe, godimo ga modumedi wa Gagwe, gomme ke seka ka matšatšing a a mafelelo, gore O tla feta godimo ga monna goba mosadi yo a amogetšego lehu la Jesu Kriste bjalo ka kemedi ya bona. Gomme Moya wo Mokgethwa o bea bohlatse.

⁶⁰ O ka no re, “Ke O amogetše.” Gomme o sa phela ka lefaseng, o sa phela boka lefase, gona ga go bohlatse gore Bophelo bjola bo be bo le bakeng sa gago, go fihla bohlatse bjola bja Moya wo Mokgethwa bo rathile ka bophelong bja gago.

⁶¹ Go na le senyakwa sa Modimo, seo monna goba mosadi yo mongwe le yo mongwe a swanetšego go ba le sona, bohlatse bjoo bjalo ka seka ka go letšatši le la mafelelo. “Ge Ke bona Madi.”

⁶² Jesu o rile, “Ruri, ruri, Ke re go lena, ntle le ge motho a tswalwa gape, ka meetse le Moya, a ka se ke ka mkgwa ofe a tsena ka Mmušong.”

Kagona e bile lenaneo la Modimo, nako yohle, Madi. E be e le madi ka go Testamente ya Kgale. E be e le Madi ka go Testamente ye Mpsha.

⁶³ Ka go Testamente ya Kgale e be e le khemisitiri, e bego e le sekai sa bophelo bjo bo bego bo etla. Go bontšhitše gore go bile le kemedi ye e tšerwego, eupša morapedi o ile ntle ka letswalo la go swana la molato leo a bilego le lona ge a etla ka gare le go neela kwana ya gagwe.

⁶⁴ Eupša ka tsela ye, “Ge morapedi, a hlwekišitšwe gatee go tšwa sebeng, ga a sa na le letswalo la sona,” selo se hwile, se fetile, gomme o fetogile go tloga lehung go ya Bophelong. Gomme o a phela gape ka go Kriste Jesu ka Bophelo bjo Bosafelego, Moya wo Mokgethwa o khutšitše ka gare ga gago, o tliša pele Bophelo bja Jesu Kriste gape. Ka gore Beibele e rile, ka go Baheberere 13:8, “O a swana maabane, lehono, le go ya go ile.”

⁶⁵ Modimo o letile iri go bona Kereke ya Gagwe e etla go maemo ao, go sa kgathale kerekeleina, go sa kgathale ka thutotumelo,

mmala, goba e ka ba eng e ka bago, gore Kereke yohle ya Gagwe e tla tla lefelong mo ba pealatšago seka sa lehu la Jesu Kriste.

⁶⁶ “Lebakana le lennyane,” O rile, “gomme lefase ga le sa Mpona gape, efela lena le tla Mpona; gobane Ke a phela, le tla phela le lena. Ke tla ba le lena, ebile le ka go lena, go fihla bofelong bja lefase,” Jesu Kriste wa go swana maabane, lehono, le go ya go ile.

⁶⁷ Ke tsena magareng ga Bakriste nako ye nngwe ba ba tleleimago go ba banna ba bakgethwa, basadi ba Modimo. Ba lewa ke hlong ka bopaki. Ba lewa ke hlong go re, “Amene.” Ba lewa ke hlong go opela dipina tša Tsione. Ba lewa ke hlong mogohle. Ke rata go tsena magareng ga batho ba ba sa lewego ke hlong ka Ebangedi ya Jesu Kriste. Le ge E bonala bjalo ka bohlanya, eupša efela ga ba lewe ke hlong. Se sengwe se diregile, gomme E ra bontši go feta bophelo go bona. Ke bophelo. Ke Bophelo bjo Bosafelego ka gore ba amogetše kemedi ya Modimo.

⁶⁸ Ke rata mohuta wo wa go opela. Ge ke be ke le morago kua ke rapelela ba bangwe ba batho, dinakwana di se kae tša go feta, bao ba tlišitšwego ka gare. Gomme ye e sego tirelo ya thapelo; go no bolela. Ke be ke le ka kua. Gomme ke be ke kgona go kwa dipina, go phaphatha diatla tša bona. Gomme re a makala. . . Gomme ba bangwe ba bona ebile, ke ba bone, ba kitimela godimo le fase lebatong, se ba se bitšago “go bina ka Moya.”

⁶⁹ Lekga la mathomo, ke be ke le moswaswalatši wa seo, ge ke bone batho ba Pentecostal ba bina ka Moya. Gomme ka gopola, “Ke eng se? E swanetše go ba e le sehlopha sa ditšiebadimo.” Morago ke ile go bala Beibele, gomme ke hweditše, gore, ge ke bina ka Moya. Diabolo o o kopile gomme o o beile ntle mo ka rokenrole le dilo, eupša motanso wa kgonthe wa mmapale o tšwa go Modimo. Seo ke tlwa. Gomme, ka mehla, motanso e be e le phenyo.

⁷⁰ Ge Dafida a bolaile Goliata, gomme mošemane yo monnyane yo wa go lebega bohobetšwana a etla a goga hlogo ya tšitširipa ye go ya ka toropongkgolo, batho ba kopane le yena, ba bina. Ba bile le phenyo. Ge Moshe a tshetše Lewatle le Lehubedu, ka maatla a Modimo, gomme a tšere bana ba Israele ka lehlakoreng le lengwe, Miriamo o topile thamporine, gomme barwedi bohle ba Israele, gomme ba ile godimo le fase lebobong, ba itia thamporine gomme ba bina ka Moya. Ge yeo e se kopano ya fešene ya kgale ya Pentecostal, ga se nke ka ke ka bona e tee bophelong bja ka. Bothata bo be bo le, le nna, ke be ke se na le phenyo ye e lekanetšego. Eupša ge mafelelong o hwetša phenyo yela, gomme seka sa Madi a Jesu Kriste se tla godimo ga gago.

⁷¹ Ke elelwa Dafida, mopesaleme yo mogolo wa Beibele. Ge a dirile se sengwe, sela, selo se segolo se, o filwe morwedi wa Saulo. Gomme o be a le mohuta wa go itira wa kgokgrothwana mong, wa go itira wa setaele mong, wa go bitšwa modumedi. Gomme

areka e be e tlogile go Modimo nako ye telele, Bogona bjo bo bonalago bja Modimo, Pilara ya Mollo e lekeletše godimo ga areka ye. Bafilisita ba be ba tlile ka gare le go e tšeela ntle ka tlase ga pušo ya Saulo. Gomme letšatši le lengwe, ge Dafida a bone areka e etla morago ntlong ya Modimo, Dafida o kitimetše ntle pele ga areka, gomme o binne pele ga Morena, a opela ditumišo tša Modimo. Gomme morwedi wa Saulo o bonagetše a nyefolega kudu go tiro ya monna yola. Monnamogatša wa gagwe, wa gagwe yo moswa, monnamogatša yo mobotse o be a segile godimo le go hloka maitshwaro ka boyena ka bogoneng bja gagwe, morwedi wa kgoši. Gomme Dafida o boletše, bontši kudu, “Ge o sa rate seo, šetša se lebakana le lennyane.” Gomme o ile go dikologa, le go dikologa, le go dikologa areka gape, a bina ka Moya. Gomme o be a nyefolegile. Gomme Modimo o rogakile mosadi yola ka thogako.

⁷² Oo, phenyo ka Madi a Jesu Kriste, seka sa tsogo ya Kriste, bophelo bja Gagwe bo phela ka gare ga Kereke ya Gagwe. Ga go tsela ye nngwe ya kopanelo, ka tlase, eupša ka tlase ga Madi ale. Dikerekemaina tša rena di tla re aroganya, gomme e tee ya re, “Seo ke ditsiebadimo.” Gomme yo motee o bolela *se, sela*, goba *se sengwe*.

⁷³ Pentecost e be e le phethene ya rena. Ga go yo motee a ka bolelago eupša se... goba a ka kgonago go bolela eupša se Kereke e hlomamišitšwego ka Letšatši la Pentecost. Gomme Moya wa go swana wo o tlilego godimo ga bona ka letšatši lela, nako le nako ntle le go šitwa, ka Beibeleng, ge Moya wo Mokgethwa o tlile godimo ga batho, ba dirile ka tsela ya go swana.

⁷⁴ A nke ke bolele se, gore ka dinageng tša bohetene moo ke bilego le lefelo, monyetla wa go sepela le go bona badudibasetlogo ba batala ba dihlakahlake le ka go Bakgothu, le go ba bona ba eme fale moo o swanetšego go bolela ka mohlatholli, ga se ba tsoge ba kwa Leina la Jesu Kriste ka bophelong bja bona. Eupša ba botše Kanegelo, gomme ba kgopela go phagamišetša diatla tša bona godimo le go amogela Modimo, ba dira selo sa go swana le se dirago thwi fa ge le amogela Moya wo Mokgethwa. Go bontšha gore ke selo sa tšekelele. Ke maatla a Ramaatlaohle Modimo, pealatšo ya seka sa Gagwe godimo ga bana ba Gagwe, ge eba ke ba bahubedu, ba baso, ba bašweu, goba e ka ba eng ba ka bago. Ke lefelo le nnoši leo kopanelo e filwego.

⁷⁵ Nimirode o agile tora, gomme Nebukadinetsara toropokgolo, le go ya pele. Ba ya tlase go kgabola borasaense le se sengwe le se sengwe, eupša ka mehla go sa dutše gore e be e le madi. Ale, Modimo o dirile sephetho sa Gagwe gore e tla ba kemedi ya go hloka molato, a tla swanelago go tšea lefelo la monna wa molato bakeng sa tshwarelo, gomme e dula e le selo sa go swana bošengong bjo, gomme ga se a tsoge a e fetola.

⁷⁶ Jobo o phetše ka yona. Jobo, puku ya kgalekgale ka Beibeleng. Le ge se sengwe le se sengwe se diregile go monna yola, efela o eme go tia gobane o tsebile o kgotsofaditše senyakwa sa Jehofa. O tsebile e be e lokile. Abraham, tsela ya go swana; bontši bja bona. Israele e kopane feela . . . Go bile le lefelo le tee feela leo Israele e bego e kgona go ba le kopanelo: leo e bile ka tlase ga madi a tšholotšwego. “Batho ba be ba swanetše, mogohle, go rapela ka Jerusalema.” Go fihla ge go bile sehlabelo, go be go se go rapela. Gomme sehlabelo e be e le madi.

⁷⁷ Lehono, lehono, efela ka fao setšhaba se bonalago se rutegile ka botlalo, le go bonala go ba go hlamega gagolo, le phatishišo yohle ya rena ya saense go aroganya athomo, le e ka ba eng e diregago, go thunyetša rokete go ya ngwedding, goba go romela sa—sa satelaete, goba e ka ba eng e ka bago. Ka moka diphatišitšo tšohle tša rena tša saense, dikerekemaina tšohle tša rena, thuto yohle ya rena, dikolo tšohle tša rena, di re išitše feela kgole go tloga go Modimo go feta ba bile kua mathomong.

⁷⁸ Se go se tšeago ke pelo ye e neetšwego go maatla a Ramaatlakamoka Modimo ka thato ya Gagwe, gomme Moya wo Mokgethwa o tla tla bjalo ka seka godimo ga motho yoo. “Maswao a a tla latela bona ba ba dumelago.” Ka mehla go dula go swana. Kriste o boletše bjalo. “Eyang lena ka lefaseng lohle, rerang Ebangedi go sebopiwa se sengwe le se sengwe. Yo a dumelago gomme a kolobetšwa o tla phološwa; yo a sa dumelego o tla lahlwa. Gomme maswao a a tla latela bona ba ba dumelago.” Ke ponagatšo ya Moya wo Mokgethwa, gore Modimo o amogetše morapedi, ka gore Moya le Bophelo bjo bo bego bo le ka go Kriste bo tla godimo ga morapedi.

⁷⁹ A o ka kgona go eleletša Mojuda ka matšatšing a kgale, ka tlase ga madi a tšholotšwego? Šo o a tla, go theoga tsela. Ke—ke letšatši la poelano. O ya go dira sehlabelo. O na le ye kaone, powana ya go nona. Seo ke senyakwa sa Jehofa. Goba mohlomongwe re tla re o na le kwa—kwa kwana, ye kaone, kwana ya go nona. E ya go lebelelwa mošola, ke moprista, go bona ge eba go sekodi godimo ga yona.

⁸⁰ Gomme ka gona o ya lefelong la go rapela. O a lemoga ke modiradibe. O dirile seo se bego se fošagetše. Bjale, o bea diatla tša gagwe godimo ga sehlabelo se. Ka go bea diatla tša gagwe godimo ga sehlabelo, o itsebagatša ka boyena le sehlabelo sa gagwe. Gomme ka gona ge mogolo wa yona o ripša, goba bophelo bja yona bo tšewa; diatla tša gagwe di beilwe godimo ga gagwe, gomme bophelo bja gagwe bo a tšewa, gomme o ikwela mahloko bjalo ka ge phoofolo yela e ehwa, gomme madi a elela ntle godimo ga diatla tša gagwe. O a lemoga gore phoofolo yela e tšea lefelo la yona. Gomme šole o ya morago, a lokafaditšwe, gobane o dirile tlwa se Jehofa a mo nyakilego go se dira.

⁸¹ Gomme seo ke selo sa go swana se lego ka Bakriste lehono. Ga

se go saena karata, gore o tla tla sekolong sa Lamorena matsatši a makaalo goba Malamorena a makaalo mo ngwageng. Ga go tšee kenotshepišo gore o ka se sa nwa gape lebaka la dikgwedi tše tshela. Ga se seo. Ke bea diatla tša gago godimo ga Sehlabelo se se filwego ke Modimo, tshwarelo ya Gagwe, hlogo ya Jesu Kriste, le go kwa megokgo ya nama kua Khalibari. Gomme ka gona o itsebagatša ka bowena le Yena ka kolobetšong, gore, bjalo ka ge A hwile gomme a tsogile gape, go bjalo o bolokwa Leineng la Gagwe, go tsoga go boswa bja bophelo, go sepela bjalo ka sebopiwa se seswa ka go Kriste, ge o dira seo ka tlhokofalo.

⁸² O dirile se, taelo ya Jehofa, gomme kafao o ikwela go lokafatšwa. Bjale, Mojuda o be a ka kgona go lokafatšwa gobane o be a dirile se Jehofa a mo laetšego go se dira. Mafelelong. . . Yeo e be e le nnete, Jehofa o dirile seo, gomme seo e bile se A se nyakilego. Eupša, mafelelong, seo e bile motlwae wa lapa. Go tlile letšatši la poelano gomme mohlomongwe Bajuda ba be ba dira se se bego se fošagetše. O be a tla re, “Gabotse, ke a dumela ke letšatši la poelano. Bokaone ke tšeele kwana ya ka tlase.” Le a bona, e bile motlwae wa lapa. Ga se ba ye le yona ka tlhokofalo. Ba nno e dira gobane malapa a be a e dirile. “Seo e no ba se—se selo se re swanetšego go se dira. Malapa ohle a a se dira, kafao re swanetše go se dira, le rena.”

⁸³ Gomme seo e no ba tlwa moo Bokriste bja rena bo fihlilego. Seo e no ba tlwa moo mesepelo ya rena ya Pentecostal e tlogo gona. Ke motlwae wa lapa. Le a bona? Ga re—ga re itsebagatše renabeng le Sehlabelo sa rena, gore re hwile le Sehlabelo sa rena. Re. . . Re re, “Oo, re Bakriste gobane ke ile le go tšoenā kereke.” Go tšoenā kereke go lokile. Eupša go fihla o tsebagatšwa, go fihla o bea diatla tša gago godimo ga Gagwe, gomme wena le Yena le ba Batee, go fihla Moya wa Kriste o etla ka go wena, gomme wena ka go Kriste, go fihla o eba morwa le morwedi wa Modimo, ga go bonale go ba tlhokofalo ye ba—ba swanetšego go ba nayo. E ba tirelotlwaelo. Go no swana le ge go le bjale, ke tirelotlwaelo go batho go ba Mokriste.

⁸⁴ Fa nako ye nngwe ya go feta ke botšišitše mohumagadi yo moswa ka mothalong wa thapelo, “A o Mokriste?”

⁸⁵ O rile, “Gabotse, ke nna Moamerika, ke tla go fa o kwešiše.” Bjale, boka seo se bile le e ka ba eng go dira le yona.

⁸⁶ Moamerika, ke mo gogolo go ba Moamerika, eupša seo ga se re gore o Mokriste. O swanetše go tswalwa gape.

Mosadi yo mongwe ke mmotšišitše, “A o Mokriste?”

⁸⁷ Gobaneng, o be a beilwe ntle bjalo, o rile, “Ke go fa kwešišo, ke tshuma kerese bošego bjo bongwe le bjo bongwe.” Boka yeo e bile le e ka ba eng go dira le yona.

⁸⁸ O swanetše go tsebagatšwa le Kriste, gomme Bophelo bja Gagwe bo phele ka go wena. Ke ge o tsebagatšwa le Kriste, ke ge Kriste a phela ka go wena. Ga se tirelotlwaelo. Ga se go ba

wa kereke. Seo sohle ke se sebotse, eupša le bona tlhokofalo ya kgonthe.

⁸⁹ Ge re etla go ditirelo tša phodišo, ge le ka hlokomela go tlhatho ka mothalong, ke kgafetšakgafetša, “Botša batho go sokologa.” Le a bona? Fao le a ya, go fihla dithapelo tša rena di eba motlwae. Re khunama fase bošego le go re, “Morena, šegofatša *Semangmang*, gomme šegofatša *Semangmang*, gomme dira se. Gomme thuša John go dira sohle se.” O dira Modimo se—se setlišamahlatsa, goba o Mo dira mo—mo mohuta tsoko wa mošemane wa semamathane. “Modimo, O dira se. Gomme O dira se. Gomme O dira se.” Yeo ga se tsela ye Jesu a re boditšego go rapela.

⁹⁰ O rile go rapela ka mokgwa wo, “Tate wa rena Yo a lego Legodimong, Leina la Gago a le kgethege. Mmušo wa Gago a o tle. Thato ya Gago a e dirwe lefaseng, bjalo ka ge e dirwa Legodimong.”

Eupša re leka go laela Modimo, se a swanetšego go re direla.

⁹¹ Gomme ke ka baka leo kereke e folago. Ke ka baka leo tsošeletšo ye kgolo ye e sa tšwago go ratha naga, e beilego dimilione ka kerekeng. Ke, ke, ba fihlile lefelong mo ba šomišago maitemogelo a, le go ya pele, bjalo ka motlwae, go na le gore ba be go nyama ga bomodimo, le go dumelela Moya wo Mokgethwa go dira mošomo wa ofisi ya Gagwe ka gare ga gago, le go hlola ka go wena bophelo bjo boswa, le go go dira o swarwe ke tlala kudu go ya kerekeng gore o se kgone go se ye kerekeng. Ka gona, seo ke se e lego sona. E sego go saena dithekethe, le go tšoenā, le go ba le go ya pele. Ke go ba le Bophelo bja Kriste ka go wena, gore o no hlologela go ya. Go na le Sengwe ka gare ga gago, se a go kgorometša.

⁹² Bjalo ka ge ke be ke bolela go lesogana maabane, ka polelo, poledišanonyakišišo ye nnyane. Ke rile, “Ke be ke fela ke feta hleng le sediba se nnyane, ge ke be ke le mohlakomedi wa diphoofolo ka Indiana. Gomme go be go le . . .”

⁹³ Ka mehla e be e le sediba sa lethabothabo nkilego ka se bona ka bophelong bja ka. Didiba tše kgolo ka Indiana, di phophoma ka meetse a makaone a go tonya, ka meetse a letlapakalaka. Gomme letšatši le lengwe ke dutše fase hleng le sediba, go bolela le sona, feela boka ke thanka gore Moshe a ka be a dutše, go sethokgwa se se tukago, go bolela le sona. Gomme ke rile, “Sediba se sennyane, ke eng e go dirago o thabe bjalo, gore o a phophoma nako yohle? Ge ke etla mo nakong ya marega, o a phophoma. Ge ke etla seruthwane, lehlabula, selemo, neng kapa neng e lego, o a phophoma. A ke ka baka la gore mohlomongwe, mohlomongwe, o thabile kudu gore mebutla e a tla gomme e enwa go tšwa go wena?”

⁹⁴ Gabotse, bjale, ge a ka be a be a kgona go bolela, o be a tla re, “Aowa, leo—leo ga se lona.”

95 Ke be ke tla re, “Gabotse, mohlomongwe ka baka la gore ditshepe di tla kgauswi le go nwa go tšwa go wena.”

O be a tla re, “Aowa, leo ga se lona.”

96 Ke be ke tla re, “Bjale, gabotse, mohlomongwe ke ka gobane ke tla kgauswi, gatee mo lebakaneng, le go nwa go tšwa go wena.”

97 “Aowa, ga se lona. Ke thabile gore tšohle di a tla le go nwa, eupša leo ga se lebaka le ke phophomago nako yohle.”

98 “Gabotse, ke eng e go dirago o phophome ka mokgwa wola? Ke eng e go dirago o thabe bjalo, ka mehla o a pumpunyega?”

99 Ge a ka be a be a kgona go bolela, o be a tla re, “Ga se nna. Ke se sengwe ka morago ga ka, se a nkgorometša.”

100 Ke ka tsela ye go lego ka boitemogelo bja Bokriste. Ga se se sengwe seo o lekago go se šoma. Ke se sengwe ka morago, se šoma ka go wena. Ke Bophelo bjo Bosafelego bjo bo sepelelago godimo, bo pumpunyegago. Boka bjalo ka ge A boditse mosadi mo sedibeng, “E tla ba didiba tša meetse a phophomelago godimo ka go Bophelo bjo Bosafelego.” Ke se sengwe ka gare ga morapedi ge a tsebagaditšwe le Kriste, gobane o a tseba gore O a phela. Eupša ga re nyake e eba motlwae.

101 Ge Israele e fihlile lefelong mo ba dirilego melao ya Modimo, ka dihlabelo tša bona, motlwae, e bile nako yeo mo moprofe ya maatla Jesaya a rometšwego ke Modimo, go bona, ka O RIALO MORENA. Felotsoko, ka mokgwa wo mongwe, Modimo ka mehla o kgona go bea seatla sa gagwe godimo ga monna yo a sa boifego go hlobola fase selo se se lokilego, felotsoko, lefelong le lengwe. Jesaya o tsogile, ge le ka bala Jesaya 1. Ke na le yona e ngwadilwe mo. Jesaya o ba boditse, o rile, “Dihlabelo tša lena tšeo Jehofa a di nyakilego di fetogile monkgo nkong ya ka. Ke a di nyatša.” Gomme makhura a dikgapa le—le dithole, le go ya pele, Modimo o a nyaditse, sona selo seo A ba laetšego go se dira. Gobane ba e dirile tirelomotlwae, morago Modimo o e nyaditse, gobane ba e dirile tirelomotlwae.

102 Gomme re ka kgona go dira Lentšu la Modimo selo sa go swana, nnete, ge re etla go Lona bjalo ka motlwae, bjalo ka tirelomotlwae. Re swanetše go tla go Lona, re tseba gore Ke “O RIALO MORENA.” Ge Modimo a e tshepišitse, Modimo o tla ema ka tshepišo ya Gagwe. Ke Yena yo mogolo go feta tshepišo ya Gagwe. Ka mehla O bile. “O a kgona,” bjalo ka ge Abraham a boletše, “go dira seo A tshepišitšego go se dira.” Ka mehla O kgona go dira seo, go boloka Lentšu la Gagwe.

103 Bjale Jesaya o ba boditse, o rile, dilo tšohle tše ba bego ba di dira, ba e dirile ntle le tlhokofalo. Ba be ba e dira feela gobane ka moka ga bona ba be ba e dira. Ba be ka gobane. . . ba e dira le bona ka gobane e be e le senyakwa sa Jehofa. Gomme lapa lohle le e dirile, gomme bomme ba e dirile, gomme borakgolo ba e dirile. Gobaneng ba ka se kgone go e dira?

¹⁰⁴ Bjale, re dira selo sa go swana. “Rakgolo wa ka o be a le Mopresbyterian, kafao ke nna Mopresbyterian. Papa wa ka e be e le Mobaptist, kafao ke nna Mobaptist,” le go ya pele. “Gomme papa wa ka o be a le Mopentecostal, kafao ke nna Mopentecostal.” Yeo ga se yona.

¹⁰⁵ Re tla go lefelo moo re lemogago gore re arogane. Re arogane go tloga go Modimo. Gomme re tla godimo ga motheo wa Madi a tšholotšwego a Jesu Kriste. Ka tlase ga Madi ale, fao ke mo Methodist, Baptist, Lutheran, Presbyterian, Mapentecostal, bohle ba ka kgonago go kopana mafelong a go swana. Go sa kgathale ka motlwae, bona, goba tirelomotlwae, ba ka kgona go kopana kua ka tlase ga selo se tee sa go swana, gomme seo ke godimo ga Madi a Jesu Kriste.

¹⁰⁶ Go fihla kereke e fihla morago lefelong, le kgole go tloga go ditirelomotlwae tša yona, le morago go polane ya Modimo ya setlogo, gore batho ba tswalelwa ka Mmušong wa Modimo gomme e sego go tšoenana ka Kerekeng, gona ke nako yeo kopanelo e tla renago mogohle, gomme Moya wa Morena o tla khupetša lefase, “boka meetse a khupetša lewatle,” ge go etla go lefelo mo batho ba ka kgonago go lebala diphapano tša bona le go tla mmogo ka kopanelong ka tlase ga Madi. Re ka se kgone bohle go tla ka tlase ga motlwae wa Baptist, goba motlwae wa Presbyterian, goba ka tlase ga motlwae wa Methodist, ka tlase ga motlwae wa Pentecostal. Eupša bohle re ka kgona go kopana le go kopanela ka tlase ga Madi a Jesu Kriste, gobane ke polane ya Modimo ya setlogo. Yeo ke nnete. Amene. Go na le tshwarelo.

¹⁰⁷ Momethodist a ka kgona go lebelela Mobaptist gomme a swara hlogo ya gagwe ka mathoko, gomme Mobaptist a ka kgona go lebelela Mopentecostal, le Mopentecostal morago ka go Mobaptist, ka metlwae ya bona. Eupša ge ba kopana ka tlase ga sefapano moo Madi a Jesu Kriste a hlwekišago batho bohle go tšwa sebeng, ke sebošša se seswa ka go Kriste Jesu. Ke ngwanešu. Ga go kgathale ke sekibo sefe a kibilwego ka sona, ke ngwanešu. Gobane leo ke lefelo le letee leo bohle re ka kopanago go lona. Ke tsela ya Modimo ya go e dira. Selo tše dingwe tše ke dithutotumelo tša madirwakemotho di hlabetšwe ka go Le. Eupša polane ya setlogo ya Modimo bakeng sa tebelelo ke ka tlase ga Madi a Jesu Kriste. Yeo ke polane ya Modimo ya go e dira. Ee.

¹⁰⁸ Metlwae ka go wona matsšatši, moprofeta yo mogolo o goeeditše, gomme a re, “Metlwae ya lena ga e na le maatla. E a nkgaga pele ga Ka. Se beng le tumelo ka go yona.” Batho ba be ba neela meneelo ye, ntle le ebile go ba le tumelo ka go se ba se dirago.

¹⁰⁹ Bjale a re nong go ipotšiša potšišo renabeng. A seo ga se se sengwe go swana le lehono? Gampe bjalo ka ge re hloya go

e bolela, re swanetše go lebanya dintlha felotsoko. Go na le se sengwe sa phošo felotsoko.

110 Gobaneng, Kereke ye e swanetše go ba milione wa dimaele godimo tseleng, go mo e lego bjale. Jesu o letile Kereke ya Gagwe go itokiša. “Monyalwa wa Gagwe o itokišitše yenamong.” Re na le dikgonagalo. Moya wo Mokgethwa o mo. Modimo o fa, maatla go fodiša balwetši, maatla go dira dilo tšohle tseo Kriste a di dirilego. Ke e bone e diragatšwa, nnamong, ka Moya wo Mokgethwa. Kafao, dikgonagalo di mo.

111 Se Modimo a re letetšego go tloga go sona, ke metlwae ya rena, le go tla morago ka tlase ga Madi a Morwa wa Gagwe, Jesu Kriste, le go ba Kereke ya Modimo yo a phelago. Methodist, Baptist, Lutheran, Presbyterian, e ka ba eng gape, “Mang kapa mang a ratago a ka tla gomme a tšea meetse a Bophelo tuutšea.” Ke dumela seo ka tšohle tše di lego ka go nna. Re. . . Modimo o rometše fase Moya wo Mokgethwa go dira seo.

112 Eupša rena, ka ditirelometlwae tša rena, ntle le tlhokofalo, re a ya, ke ka gobane ke—ke motlwae wa rena, gomme ka gobane ke tirelometlwae. Re ya ntle le tlhokofalo, ntle le manyami a sebe ka kgonthe.

113 Ke hlokometše, bošegong bjo bongwe, ka go kopano ye kgolo yela ya go tuma ya yo motee wa banešu ba bagolo ba go tsebega ka California. Gomme ke hlokometše kopano yela, ge batho bale ba etla tlase, bana ba baswa ba mahlalagading. Ke ratile ngwanešu bakeng sa go ema ga gagwe go gogolo; mang kapa mang a ka dira. Ge o bea leemong, bona lefelo le a le tšerego ka matsatšing a mafelelo, le tla dira le lena. Gomme ge ke hlokometše batho bale ba etla tlase aletareng, go dira sephetho, basetsana ba sohla moti, bašemane ba itiana seng sa bona, batho ba sega, yeo ga se tsela ya go tla go nyama ga bomodimo. O swanetše go tla ka tlase ga phenyego. Modimo, re romele ya fešene ya kgale, ya pentecostal, tsošetšo ya Moya wo Mokgethwa ye e tla tlišago sebe modung le go tliša phenyego go banna le basadi.

114 E sego go re, “Ke tla ya morago kerekeng gomme ke tla mpshafatša kopanelo ya ka. Ke tla saena karata.” Seo se lokile, eupša o ka tšoeni boMason, Odd Fellows, le e ka ba eng, gomme wa hwetša dipoelo tša go swana.

115 Eupša ge o etla ka tlase ga poelano ya Modimo ya tshwarelo ya Madi a Jesu Kriste, go swanetše go ba tlhokofalo ye e beilwego ka fao. Modimo o nyaka tlhokofalo.

116 Ge go Mo tšere poreisi ye bjalo, go fa Morwa motswalwanoši wa Gagwe, re ya go feta bjang, ka tlase ga taba ye nnyane ya go sega, le go tla go tšoeni kereke, le go dira karata ya sephetho le go e tšeela ka kerekeng, le e ka ba eng e ka bago? Seo ga se senyakwa sa Modimo. “Yo a yago pele a bjala ka megokgo ntle

le pelaelo o tla bowa gape, a hlalala, go tliša le yena dišerefe tše bohlokwa.” Re hloka batho ba go tliša dišerefe.

117 Ke kwele moebangedi yo mogolo a re, nako ye nngwe ge ke be ke tsenetše se sengwe sa difihlolo tša gagwe, o topile Beibele. . . Gomme ka mehla ke tla mo rata. O rile, “Selekane sese. Seo ke se Modimo a se nyakago.” O rile, “Ke tla ya ka toropongkgolo, ke tla ba le tsošeletšo.” O rile, “Ke tla ba le dikete tše masomepedi goba masometharo go dira sephetho. Ke tla morago ka gare e ka ba mengwaga ye mene goba ye mehlano, goba mohlomongwe mengwaga ye mebedi,” gomme o rile, “Ga ke kgone go hwetša lesometlhano goba masomepedi.” O rile, “Mokgethwa Paulo o ile ka toropongkgolo gomme o dirile mosokologi o tee. O tlile morago ka ngwaga wo mongwe, o bile le masometharo goba masomenne go tšwa go yola.” Ka gona o rile, “Ke bareri ba dibodu ba ba dutšego ka maoto a bona godimo ga teseke gomme ga ba ye ntle go bona batho.”

118 Ke kgahlwa ke sebeti sa gagwe go kgakgamolla baena ba gagwe, le dilo godimo ga phenyego ya gagwe. Eupša ke tla rata go mmošiša potšišo ye, “Ke moreri ofe a boditšego yola morago fale ka tlase ga Paulo, ge go se dikereke go yena go ya go tšona?”

119 E be e le eng? Paulo o mo tšere go tšwa motlwaeng, goba go saena karata, go ya ka kolobetšong ya Moya wo Mokgethwa, ge soulo ya gagwe e be e tuka bakeng sa Modimo. O ile a swanela go paka le go bolela dilo. Soulo ka moka ya gagwe e be e tuka ka kgabo ya mollo yeo Modimo a e beilego ka fale. Se re se hlokago bošegong bjo ke leswao gore monna goba mosadi o phološitšwe, ba šetše ba eya ka morago ga disoulo tše dingwe ka pela ka mo ba kgonago.

120 O boletše nako ye nngwe gore morekišabjala. . . Mošemane yo monnyane o tlile ka gare gomme o rile, “Mna. Morekišabjala?”

O rile, “Ee, morwa.”

O rile, “Leswao la gago le fase.”

121 O rile, “Gabotse, ke a go leboga, morwa.” Kafao o sepeletše ka ntle, gomme mošemane yo monnyane o eme ka diatla tša gagwe ka morago ga gagwe, gomme morekišabjala o lebeletše godimo. Gomme go be go le para ye kgolo godimo ga papetla ya mphiri, e kwalakwaditšwe. O tšere thethwana ya gagwe gomme a e pholetšha. O rile, “Morwa, o fošitše. Leswao la ka le godimo.”

122 O rile, “Aowa, mohlomphegi.” O rile, “Ga le gona.” O rile, “Ke ra leswao la gago—la gago le lekaonekaone.”

O rile, “Leo ke leswao le lekaonekaone ke nago le lona.”

123 O rile, “Oo, aowa. Lebelela, go robetšwe *fale*.” Fale go be go robetše letagwa, ka mantšhohlong. Leo e bile leswao le lekaonekaone a bilego le lona, ee, mohlomphegi, ge a bone monna ka tlase ga khuetšo ya se a bego a se rekiša ka gare.

124 Gomme ge re bona motho ka tlase ga khuetšo ya Moya wo Mokgethwa, go fihla bophelo bja gagwe bo tuka ka Mollo wa fešene ya kgale wa pentecostal, leo ke leswao le lekaonekaone Modimo a kilego a ba le lona gore motho yoo o phološitšwe, ge a tla hlankela. Ke leswao le lekaonekaone. Bjale, leo le tla tla bjang? E sego ka go tšoena kereke, eupša ka go amogela tshwarelo ya Gagwe ka Jesu Kriste, Kemedi ya gago ya go hloka molato.

125 Ga go tlhokofalo, ga go manyami a kgonthe a sebe. O rile O tla uta sefahlego sa Gagwe go tloga go ditirelo tša bona. Dithapelo tša bona di be di se ne maatla. Ba rapetše, oo, kgonthe. Ba ile godimo kua le go bolela dithapelo tša bona. Ba neetše sehlabelo sa bona. E bile sebopego.

126 A le a tseba, ka go Timotheo wa Bobedi, temana ya 3, goba tema ya 3 ya Timotheo wa Bobedi, re botšwa selo sa go swana, seo re tla se hwetšago ka matšatšing a mafelelo? Beibele e boletše mo, “Ka matšatšing a mafelelo, tsebang se, gore nako e tla tla ge batho ba tla ba hlogothata, monagano wa godimo, barati ba maipshino go feta barati ba Modimo; babatasekgoro, dihwirihwiri, ba go se tsebe go itshwara, le banyatši ba tše botse; ba na le sebopego sa bomodimo, eupša ba gana maatla a bjona: go ba babjalo retologa o tloge. Ka gore wo ke mohuta wo o yago go tloga ntlong go ya ntlong, gomme o hlahla basadi ba ditlaela, ba gogwago ke dikganyogo tša mehutahuta, le go tsoge—go ithuta ka mehla, le go se tsoge ba kgona go tla go tsebo ya Therešo.” Bjale, ge Beibele e akanyeditšepele gore iri e tla tla ge kereke e tla tsena ka go motlwae wa go swana ba bilego fale, ka ditirelomotlwae tša bona, še yona gape, bodumedi bja metlwae, bja go hloka maatla.

127 “Oo,” ba rile, “bona e be e le makomonisi.” Aowa, ba be ba se.

128 “Ba na le sebopego sa bomodimo.” Ba ya kerekeng. Ba tšoena kereke. Ba leka go dira po—po pontšho ye telele, gore ba ya kerekeng le dilo, gomme ba ya ntle le go phela go fapana.

129 Ga go ne mollo ka soulong ya bona. Ga go selo. Ga ba ne kgahlego ka go e ka ba mang gape. “Yo mongwe le yo mongwe gape a ka hwa le go ya ge ba nyaka. Re ikwela gore re phološitšwe. A nke ka moka ga bona ba ye.” Seo ga se Bokriste bja kgonthe.

130 Bokriste ke: eya ka morago ga balahlegi, eya o tšee ngwanešu yola, eya o dire se sengwe ka bjona. A re ka kgona go ema le go phutha diatla tša rena, ebile le ge re tleleima gore re phološitšwe, le go bona banna le basadi ba ehwa ka seatleng se sengwe le se sengwe? Gomme mekgotha, e tletše ka basadi ba eya dikerekeng, ka dišothi le—le difahlego tša go pentwa, le—le go sepela godimo le tlase mokgotheng, ka disekerete ka diatleng tša bona; le—le pente gohlegohle sefahlegong sa bona, go lebega

boka diphukubje goba diphiri, goba se sengwe. Gomme banna ba sepela godimo le fase mokgotheng, ba tšoena dikereke, le dilo boka tšeo. Gomme le bitša seo Bokriste, gomme la homola?

¹³¹ Mokgethwa Paulo o be a tla dira eng ge a be a ka sepela ka Tucson? Bjale, ke re ba be ba tla mo hlahlela kgolegong pele ga moso. Yeo ke nnete. Gobaneng? Soulo ya gagwe e tla swa bakeng sa Modimo go fihla a sa kgone go tlogela go e dira. Kgontho. Eupša re tšoena kereke. Le a bona, metlwae ya rena e fetogile monkgomobe sefahlegong sa Modimo.

¹³² Se re se hlokago lehono ke moprofeta a tsoga mo lefelongtiragalo ka “O RIALO MORENA” le go hlobola dilo tšela go ya tlase le go boleta gore di fetogile monkgomobe. Dikerekemaina tša rena di godile. Dikereke tša rena ke tše kgolo, gomme ke tše kaonana go feta ka mo di kilego tša ba. Re tla ba bokaonana kudu ka pane ya thini, re eme mokgobeng gape, ka katara, ntle kua re itia moropa, goba se sengwe gape, ka Mollo wa kgonthe wa pentecostal o tuka ka disoulong tša rena, go feta go dula ka go dipanka tše kgolo tše re dutšego ka go tšona lehono, re ehwa. Lefase le a hwa, ka tlase ga maoto a rena. Ee, mohlomphegi.

¹³³ Modimo o na le tshwarelo, gomme tshwarelo yeo e no ba ka Jesu Kriste; thuto, motlwae, kerekeleina, ya saense, ga go selo se ka tsogego sa tšea lefelo la yona. Ke ka tlase ga Madi ale. Ke ka tlase ga motlwae. . . e sego motlwae, eupša ka tlase ga Madi a Jesu Kriste, tsela ye e filwego ke Modimo bakeng sa badiradibe, tsela e nnoši re ka tsogego ra kopana.

¹³⁴ Ke a le botša, o tšea Momethodist, o tšea Mobaptist, le Mopresbyterian, le Molutheran, le Mopentecostal, gomme a nke yo mongwe le yo mongwe a tle ka tlase ga Madi ale, ke banešu. Ga go na kgakgano ka bona nako yeo. Aowa, mohlomphegi. Ke banešu. Ba bona se sengwe le se sengwe go swana. Eupša a nke Momethodist a gogagoga le Mobaptist, ka mokgwa wa kolobetšo; a nke Maoneness a gogagoga le Motrinity, goba Motrinity le Maoneness, le e ka ba eng gape, šetša kgakgano le moriri o emelela. Eupša a nke bobedi ba tle ka tlase ga sefapano, gomme šetša se se diregago. [Lefelo la go se be le selo godimo ga theipi—Mor.]

Gomme e tla ba go fihla ke ehwa.

Ka gona ka ya go hlomphega, pina ye bosebose,
Ke tla opela maatla a go phološa,
Ge le la go šokiša la go thetherega, leleme la go
kekeretša

Le robetše le homotše ka lebitleng.

¹³⁵ Ke fa bopaki, bošegong bjo, gore Madi a Jesu Kriste a dira Momethodist, Mobaptist, Molutheran, Mopresbyterian, e ka ba eng a lego, ngwanešu wa ka. Ee, mohlomphegi. Go na le se sengwe ka go moisa, gobane moya wa gagwe ke—ke ngwanešu.

Ga se mokgakgani le—le se sengwe gape. Ke . . . Ke ngwanešu ka go Kriste. O dumela Lentšu le lengwe le le lengwe leo le lego ka go Beibele yela.

¹³⁶ Moya wo Mokgethwa o ka kgona bjang, Yo a ngwadilego Beibele, a E gana? Moya wo Mokgethwa o ka kgona bjang go phela ka go monna, wa re, “Oo, yeo e be e le ya barutiwa, yeo?”

Jesu o rile, “Mang kapa mang a ratago.”

¹³⁷ Petro o rile, “Tshepišo ke ya lena, le go bana ba lena, bona ba ba lego kgole, le ba bantši ba Morena Modimo wa rena a tlogo go ba bitša.” Moya wo Mokgethwa e be e le wa mang kapa mang Modimo a mmiditšego.

¹³⁸ Mo O rile, “Bao A ba kgethetšegopele, O ba tsebilepele.” O ba beile, gomme ba amogetše.

¹³⁹ “Ga go motho a ka tlogo go Nna,” go boletše Jesu, “ntle le ge Tate a mo goga. Gomme bohle ba Tate a Mphilego bona ba tla tla go Nna.”

¹⁴⁰ A re tla ka maikutlo a go itiriša? A re tla go tšoena kereke? A re a tla gobane ga re nyake go ya heleng? Goba, a re a tla gobane re rata Modimo, gore, “O neetše ka Morwa wa Gagwe a tswetšwego a nnoši, gore mang le mang a dumelago ka go Yena o swanetše go ba le Bophelo bjo bosafelego?” A re a tla gobane ke sehlabelo sa lerato seo Modimo a re filego sona, gore re ke re pealatše, re se pealatše?

¹⁴¹ Modimo o hloile bodumedi bja go hloka maatla. Bodumedi bja bona ga bo na maatla. Kafao O swanetše go dira eng go letšatši le? O hloile. . . Nako le nako, ka Beibeleng, yeo Modimo a kilego. . . Ka ntle, ka lehlakoreng le la Beibele, nako le nako ge go kile gwa tla mpshafatšo goba tsošetšo, e ile ya thekgwa ka maswao a magolo le maatla. Ge Luther a tlile pele, ge Wesley a tlile pele, ge bampshafatši bohle, Sankey, Finney, Knox, Calvin, mang kapa mang, moo go tšwago, go be go le maatla a a bonagatšwago. Moo Modimo a lego, Yena ke wa kagodimogatlhago. Moo Modimo a ipealatšago Yenamong, go swanetše go ba sa kagodimogatlhago.

¹⁴² Lebelelang Bafarisei ka letšatšing lela ba ba tlilego go Jesu, gomme ba bolela ka bonolo le bobose. “Ke mang yo mobosana go feta moprista wa go tšofala? Ke mang yo mogolwane go feta moprista wa bona? O tla go wena ge o tswalwa. Ge go na le kgakgano ka boagišaneng, o a tla le go e ruma. Gomme ka mehla ke modirakhutšo. Ke monna wa go rata. Le a tseba ke yena. Ge o le bothateng, o ka kgona go ya go yena, o a go thuša. Go reng ka monna yo mokaone?”

¹⁴³ Ka gona, go bolela ka Jesu yo wa Nasaretha. “Moprista yo, re a tseba tategwe e be e le mang, tatago tatagwe, tatago tatagwe. Re na le sekolo mo se se mo tsebagatšago. Jesu yo wa Nasaretha ke mang? O tšwa sekolong sefe? Ke mokgatlo ofe A lego wa wona?”

O dira eng eupša ka mehla go baka? O reng ka moprista yola wa go tšofala yo bonolo wa gago? 'Ke wa diabololo,' Jesu o boletše. 'Wena o—wena o. . . Diabololo ke tatago, gomme mediro ya gagwe o tla e dira.' A o ka eleletša?"

144 O ile godimo ka tempeleng, a lebelela godimo ga batho ka pefelo, a raga dihlabelo tše Jehofa a di nyakilego, le go goeleta, "Go ngwadilwe, 'Ntlo ya Tate wa Ka e dirilwe ntlo ya thapelo,' gomme le e dirile legolo la mahodu."

145 O be A tla dira eng lehono ge A etla go dikereke tša rena tša sebjalebjaale? Go be go tla ba le go tlošwa tafola mo gongwe mo gontši, go be go tla ba le go taboga ditulo mo mo gongwe mo gontši, ka gore O be a tla e kgeila diripana. Nnete. E be e tla ba selo sa go swana. A ga le bone, Jesu o Lengwalong kudu. O be a le Lentšu. O be a se a swanela go ngwala e ka ba eng. O be a le Lentšu. O be a le Lentšu le le phelago. Gomme batho ba šitwa go le lemoga.

146 Gomme monna a ka kgona bjang lehono, godimo ga dikokwane tša se Jesu a se tšhepišitšego: maswao a go lefase lohle; le tšhegofatšo ye go lefase lohle; le Moya wo Mokgethwa go wa feela boka o dirile mathomong, godimo ga mang kapa mang Modimo a ka mmitšago; motho a ka kgona bjang go ipitša Mokriste yenamong, gomme a gana Lentšu leo, gomme a re Moya wo Mokgethwa o ka go yena? Moya wo Mokgethwa o tla feleletša Lentšu le lengwe le le lengwe la Modimo ka "amene." Yeo ke nnete tlwa.

147 Oo, ngwanešu, ditshepedišo tša rena tša thuto di re gogile go tloga go yona. Gomme dikerekemaina tša rena—tša rena di re arogantše go tloga go seng sa rena le go tloga go Kriste. Eupša, eng? Ba tla tšwelapele go dira seo. Gomme o tšea kemedi, selo e ka ba sefe gape, se no se fete matlakala a mogo gape. Modimo o a e gana. Eupša ge Kereke e etla ka tlase ga Madi a Jesu Kriste, ka seka sa Moya wo Mokgethwa godimo ga bona, gona le ya go bona boena gape. Le ya go bona Kereke e tletše maatla. Le ya go dira.

148 Modimo o hloile bodumedi bja go hloka maatla. Bo swanetše go ba maatla. Nnete. Ke maatla go phološa motho go tšwa sebang. Ke maatla ao a kgonago go dira maswao le matete le mehlole bjalo ka ge Jesu Kriste a tšhepišitše. Ba korotše go Lentšu la Modimo morago kua le go le dumela, le go betha senepša. Le korola tsela ya go swana go Lentšu la Modimo; e tla betha senepša gape. E swanetše, gobane O a swana maabane, lehono, le go ya go ile. Modimo ga a rate bodumedi bja go hloka maatla. Modimo ga a nyake bjoo. Modimo o nyaka go dira. Modimo o nyaka go ipontšha Yenamong go phela. Tšona dikholofelo tša rena ke tsogo. A yeo ke nnete? Dikholofelo tša rena tša bophelo ke tsogo, tsogo ya Jesu Kriste.

¹⁴⁹ Le a bona, Modimo o nyaka go šoma ka kerekeng ya Gagwe. Jesu o rile, “Ke tla ba le lena ka mehla, ebile go fihla bofelong bja lefase. Mediro ye Ke e dirago le tla e dira le lena.” Mokgethwa Johane 12:14, “Mediro ye Ke e dirago le tla e dira le lena; ebile ye mentiši go feta wo le tla e dira, gobane Ke ya go Tate wa Ka.” Bjale, kereke e leka go gana yeo, go hwetša—go hwetša tsela go hwetša maloko a mantši, go tsebalega kudu.

¹⁵⁰ Bjale ke nyaka go le botšiša se sengwe. Modimo o leka go dira ka kerekeng ya Gagwe, gomme kereke e leka go dira ka thutotumelo, gomme ba babedi ga ba kgone go šoma mmogo. O swanetše go tloša thutotumelo, le go tliša Kriste ka gare. Gomme o ka kgona bjang go e dira? Ge A bona Madi, ge Madi a tloditšwe ka pelo ya tlhokofalo, gomme seatla se beilwe godimo ga Jesu Kriste, le pelo ye e lego therešo pele ga Modimo; go ipolela phošo ya gagwe le go tswalwa ke Moya wo Mokgethwa, gona mediro ya Modimo e tla latela, bjalo ka ge A boletše e tla dira. Ya, kereke e nyaka go dira ka dithutotumelo tša bona, le go bona ke maloko a makae ba ka kgonago go a hwetša. Modimo o nyaka go dira ka maatla a Madi, go dira Bakriste ba tswalwe gape. Yeo ke phapano ya yona tlwa.

¹⁵¹ Dira, o swanetše—o swanetše go gana, go dira se, bona, o swanetše go gana Moya wo Mokgethwa le maatla a Gagwe a go diragatša, go amogela thutotumelo. O swanetše go bona Therešo pele o ka amogela phošo, ge o eya go ba Mokriste. O ka se kgone. . . O swanetše go sepela godimo ga tshepišo ya Modimo, gore o hwetše phošo. Gobane, go ne lebone le lehubedu le pekenya pele ga gago, nako yohle, “Le ke Lentšu.”

¹⁵² O re, “Gabotse leo e be e le la letšatši tsoko le lengwe.” Ke la lehono, gobane Kriste ke Lentšu. A yeo ke nnete? Mokgethwa Johane 1, “Mathomong go be go le Lentšu, gomme Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Gomme Beibele e rile, “O a swana maabane, lehono, le go ya go ile.” Kafao, ge Kriste e le Lentšu, tshepišo ye nngwe le ye nngwe ke therešo, gomme e a swana maabane, lehono, le go ya go ile. E swanetše go ba. Go tšea tumelo ya go tswalwa gape go e dumela le go e dira e šome. Feela, o ka se kgone go e dira ka motlwae. E ka se šome. O swanetše go tla go Madi ale, feela ka kgonthe bjalo ka e ka ba eng.

¹⁵³ Ka morago ga ge Israele e bo- . . . ka morago ga ge Jesaya a boditše Israele gore ba tšhilafaditše kemedi ya bona ka metlwae ya bona, go tšweletše moprofeta yo mongwe. (Pele re tswalela.) Moprofeta yo mongwe yo mogolo o tšile lefelongtiragalo, gomme yoo e be e le Johane mokolobetši. Bjale, o ba šupeditše go Kwana yeo e bego e tla tšea go . . . e be e ka se dirego feela bakeng sa Israele, eupša moloko ohle wa go wa wa Adama. O rile go be go le . . . Modimo o be a eya go romela Kwana. Gomme Kwana ye e be e tla ba bakeng sa Montle, Mojuda, le e ka ba mang a tla tlogo.

154 E be e se kgale kudu go fihla Kwana e kokotetšwe go aletara ya Gagwe ya sefapano. Madi a Gagwe a tšholotšwe. Moya wo Mokgethwa o tlile morago. Bjale, ge kwana ya kgale ya phoofolo e hwile, moya wa phoofolo o be o sa kgone go tla morago, kafao madi ale a be a no šomišwa go setšhaba. Eupša bjale, go moloko ohle wa Adama, Kwana ya Modimo yeo e tšholotšwego, Madi a Gagwe, seka se tlile morago ka sebopego sa Moya wo Mokgethwa, go tla godimo ga morapedi. Bjale, seo ke se Modimo a se nyakago. Seo ke se ba se dirilego ka letšatši leo. Gomme seo ke se ba tla . . . ba se dirago lehono.

155 Bjale, ge motho e ka ba mang a ekwa boima bja sebe, gomme o a tseba gore o phošo, theetšang, go na le tshwarelo, gomme tshwarelo yeo ke ka Kwana ya Modimo. A le dumela seo? Ke ka Kwana, ka Madi a Kwana.

156 Ke boditšwe kanegelo ye nnyane gatee. E nthušetše kudu. Go be go le mošemane yo a bego a tšerwe ka dikgoka ka matšatšing a pele. Ke a nagana lena bohle le tšere histori ya Beibele gomme le tšere histori ya kereke. Gomme ka go . . . ke a dumela e be e le Foxe . . . Aowa, e be e se. E be e le Nicaea Fathers, goba bophelo bja Mokgethwa Patrick. Mokgethwa Patrick gabotse o be . . . Leo e be e no ba leina le filwego yena. Leina la gagwe e be e le Succat. Gomme o be a—o be a tšerwe ka dikgoka ke sehlopha sa—sa bahlakodi ba lewatle gomme a hirilwe, go ba modišadikolobe.

157 Gomme kanegelo ye e ya gore segotlane se se be se tšerwe ka dikgoka le go nametšwa sekepe, gomme o be a šoma tsela ya gagwe. Gomme mokapotene wa go tšofala o ile a babja letšatši le lengwe gomme o be—o be a loketše go hwa. Gomme o be a babja kudu, ntlentle lewatleng, gomme moisa wa go tšofala ka ditedu tša gagwe tše pududu, a robetše ka kamoraneng ya gagwe. Gomme o biditše diatla tša gagwe, banna ba gagwe ba sekepe, o rile, “A go ne Beibele magareng ga lena?” O rile, “Ge ke be ke le ng—ng ngwana, ke bile le kgodišo ya Bokriste.” Gomme o rile, “Ke—ke a hwa. Gomme—gomme, banna, ga ke nyake go hwa ka mokgwa wo.” O rile, “A o na le Lentšu la Modimo? Monna e ka ba mang mo o na le Lentšu la Modimo?”

158 Mafelelong, moragorago ka go sehlopha sa banna, mošemane yo monnyane o emeletše, gomme o rile, “Mohlomphegi, ke na le Beibele. Ke nna Mokriste. Ke e swara le nna.”

159 O rile, “Etla mo, morwa.” O rile, “A o ra gore o swere Beibele?”

160 O rile, “Ee.” O rile, “Mme wa ka le tate e be e le Bakriste, gomme ke neetše bophelo bja ka go Kriste ge ke be ke sa no ba moisa yo monnyane wa nthatana, gomme ke swere Lentšu la Gagwe le nna kae kapa kae yago.” O rile, “Ke Le beile godimo ga pelo ya ka gomme Le bile ka pelong ya ka.”

161 O rile, “Mpalele se sengwe go tšwa fale, morwa, pele ke ehwa.”

162 Gomme moisa yo monnyane o phetlile godimo go Jesaya 53:5, “Gomme e balega ka mokgwa wo, ‘O gobaditšwe ka baka la dikarogo tša rena. O tlapirigantšwe ka baka la bokgopo bja rena. Kotlo ya khutšo ya rena e be e le godimo ga Gagwe. Gomme ka megogoma ya Gagwe re a fodišwa.’”

163 Gomme ge a boletše seo, mokapotene wa go tšofala o rile, “A o kgona go bala go ya pele?”

Mošemane yo monnyane o rile, “A nka swayaswaya mo?”

Gomme mokapotene wa go tšofala a re go mohlankana, a re, “Eya pele.”

164 O rile, “Mme wa ka wa Mokriste, pele ke tšewa go tloga go yena, o rile. . . O a tseba, o be a tlwaetše go mpalela Lengwalo leo, kudu. Gomme a o tseba ka tsela ye a bego a le bala?”

165 Gomme mokapotene wa go tšofala a re, “Aowa, morwa. Ke tla rata go kwa ka tsela ye mmago wa Mokriste a bego a le bala.”

166 “O rile. . .” O rile, “Še tsela ye a bego a le bala, ‘O gobaditšwe ka baka la dikarogo tša Willie Pruitt’. O tlapirigantšwe ka baka la bokgopo bja Willie Pruitt. Kotlo ya Willie Pruitt e be e le godimo ga Gagwe. Gomme ka megogoma ya Gagwe Willie Pruitt o fodišitšwe.”

167 Mokapotene wa go tšofala o rile, “Ke rata seo. Ke rata seo.” O rile, “Oo, ge leina la ka le ka kgona feela go balwa ka kua!” O rile, “A o nagana o ka kgona go e dira, morwa?”

168 O rile, “Ke tla e leka.” O rile, “O gobaditšwe ka baka la dikarogo tša John Quartz. O tlapirigantšwe ka baka la bokgopo bja John Quartz. Kotlo ya khutšo ya John Quartz e be e le godimo ga Gagwe. Gomme ka megogoma ya Gagwe John Quartz o fodišitšwe.”

169 Ka megokgo e kitima go theoga maledu a gagwe, o rile, “Ntšeeleng diaparotša ka. Jesu Kriste o mphodišitše. Ke neela bophelo bja ka go Yena.” Le a bona?

170 Oo, mogwera, ge o ka no bala leina la gago ka fale! Oo, ge nka kgona go bala leina la ka, “O gobaditšwe ka baka la dikarogo tša William Branham. O tlapirigantšwe.” E sego kereke, e sego feela. . . e sego thutotumelo. “Eupša O tlapirigantšwe ka baka la bokgopo bja ka. Kotlo ya khutšo ya ka e be e le godimo ga Gagwe. Gomme ka megogoma ya Gagwe William Branham o fodišitšwe.” Oo, ge re ka no kgona go bala leina la rena ka go Lengwalo, gomme ka kgonthe ra e ra, ke seo se e dirago. Ra bala leina la rena ka go lona, le dira go amogela, go lebalalwa, ka gore ge re lemoga gore O gobaditšwe ka baka la karogo ya rena, O tlapirigantšwe ka baka la bokgopo bja rena.

171 Selo se sengwe, re hwetša ka go Bahebere 9:11, tebalelo yeo e tšweletša bohleweki, morapedi ga a sa na letswalo la sebe, gomme o itlhwekišitše yenamong go tšwa go metlwaie ya go hwa. Ge ka kgonthe re etla ka tlase ga Madi, re hlwekišwa go tšwa

go metlwae ya go hwa. Lengwalo le bolela bjalo, Bahebere 9, šetšang, “Go hlwekiša letswalo la gago go tšwa go metlwae ya go hwa.” Gona, ge o dira seo, lebala gore o Mobaptist, lebala gore o Momethodist, lebala gore o Mopentecostal, e ka ba eng o lego, gomme lebala metlwae yela ya go hwa, gomme o tle go Madi. Etla go ao.

¹⁷² Bala leina la gago ka go yeo, gomme morago dira se, morago etla go tafola ya selalelo, morago etla gomme o hwetše ke mang a rerešago le wa phošo, ge eba e ya go ba selalelo sa go tswalelwa goba aowa, bona ge eba o ka kgona go tswalelela ngwaneno ka ntle. O ka se kgone go e dira. O no se kgone go e dira. Go na le se sengwe ka go wena, se ka se go dumelele go e dira. Go no ba se sengwe, o a bona. Leina la gago le badilwe magareng ga ao gomme o ka se kgone go e dira. A a go hlwekiša. A a go hlwekiša.

¹⁷³ Go Mo gopola ge re khunama mo sefapanong, a nke a be moprista wa Katoliki, Presbyterian, e ka ba eng a ka bago. A nke monna yola a tle ge a bala leina la gagwe ka fale, “O gobadišwe ka baka la karogo ya moprista yo. O gobadišwe bakeng sa Momethodist yo, Mobaptist yo, Mopentecostal yo.” Eng? “O gobadišwe bakeng sa dikarogo tša rena,” leina la ka, leina la gago, e ka ba eng o lego. Gona a re dumeleng Leo, e sego se thutotumelo e se bolelago, Se Lentšu le se bolelago! Gona a re khunameng fase sefapanong, mmogo. Re banešu. Oo, ee, metlwae, re itlhwekiša renabeng gona go tšwa go metlwae yohle ya go hwa.

¹⁷⁴ Go ka kgona go ba bapotologi ba naga ba masomenne, go ka kgona go ba baprista ba masomenne ba bagolo, go ka kgona go ba dikhadinale, le dipišopo, le bomopapa, se sengwe le se sengwe gape, ba goeela, “Emelela go tloga fao. O se itšhilafatše wenamong.” Eupša o na le matsogo a gago go dikologa ngwaneno, ngwanešu. Go na le selo se sengwe sa kgonthe. O na le tshwarelo ka fase ga Poelano ye e swanago ye a lebaletšwego ka yona. Le banešu, gomme e kgomarela kgauswana go feta ngwanešu. Ke se sengwe ka yona, seo se le gogelago kgauswi kudu le Modimo. Gomme ge le batamela kgauswi le Modimo, le batamelana kgauswi seng sa lena.

¹⁷⁵ “O ka kgona bjang go hloya ngwaneno yo o mmonago, goba go mo nyatša, gomme wa re o rata Modimo Yo o sego wa ke wa mmona? O ba moaketši, gomme Therešo ga e gona ka go wena.”

¹⁷⁶ Eupša ge re etla go lefelo, moo Madi a Jesu Kriste a re hlwekišago go tšwa go sebe sohle, gona re banešu. Gona ga go phapano ka go rena. Dikibo tša rena tše nnyane tša kgale tšeo re di kgomareditšego go rena, ga di re selo.

¹⁷⁷ Ke elelwa kua, ke fetile keiti letšatši le lengwe gomme ke be ke šupetša yo mongwe wa banešu a dutšego mo, moo ke bego ke diša dikgomo. Gomme ke etla go kgabola fale, molemiši o be a tla swaya dikgomo tšela ge di be di eya go kgabola ka go tlhahlelo

ya seruthwana. Gomme o šeditše. Ga se nke . . . Di bile le mehuta yohle ya dikibo godimo ga tšona. Eupša ga se nke a hlokomela sekibo. O šeditše theke ya madi. Gomme e be e swanetše go ba motswakohlwahlwa wa Hereford goba e be e ka se kgone go ya ka Sethokgweng sa Arapaho, ka gore Hereford Association e fudiša fao. E be e swanetše go ba motswakohlwahlwa wa Hereford.

178 Ke nagana ke ka tsela yeo go tla bago nakong ya bofelo. A ka se re, “A o Momethodist? A o be o le Mobaptist?”

179 Yeo ke potšišo ye kgolo lehono, “O—o eng? A o Momethodist, Mobaptist?”

Ke rile, “Aowa.”

180 “Ke wena eng; Mopresbyterian, Molutheran, Monazarene, Mopentecostal?”

“Aowa.”

“O eng?”

“Mokriste.”

181 Mokriste, theke ya Madi, le a bona, ka tlase ga Madi. Seo se ra gore ngwanešu yo mongwe le yo mongwe, kgaetšedi ka tlase ga Madi ale ke ngwanešu wa ka, kgaetšedi. Tlhokofalo ya go teba kudu fale pele ga Kriste, rena, moprista, moreri, eng gape, re bea diatla tša rena godimo ga sehlabelo sa rena le go re, “Re badiradibe ba molato. Ga re na maswanedi a kgaogelo ya Gago, O Modimo. Eupša O rometše Morwa wa Gago go hwa lefelong la rena, gomme re e amogela ka go lokologa.” Oo, re banešu gona.

182 Kgakgano yohle ya kgale e fedile. Yohle e ile. Ka tlhokofalo re lebaletšwe. Le a ya, le lebaletšwe le go hlwekišwa go tšwa sebeng, le hlwekišitšwe go tšwa metlwaeng. Dilo tša kgale di fetile. Dikgakgano tša kgale di fedile. Mabaptist ohle, Mamethodist, le Mapresbyterian ohle a hlwekišitšwe ke Madi a go swana, gomme re ba banešu. Dikgakgano tša metlwae di fedile, gona re ka kgona go kopanela mo. Gomme fao, feela, re ka kgona go kopanela.

183 Ke bone Mapresbyterian a eme ka kopanong ye ya Banna ba Kgwebo ba Full Gospel, ba bolela ka maleme le go goelesa ka maatla ka fao ba bego ba kgona, le ba bangwe ba Mapresbyterian a go ikgetha kudu a lego ka United States. Jim Brown, ke ba bakae ba kilego ba kopana le yena, Mopresbyterian wa go ikgetha, o ema mo le go bina ka Moya, le go bolela ka maleme, le go tšwelapele fa, le modiša wa ye nngwe ya Dikereke tša Presbyterian tša go tuma kudukudu ka United States. Malutheran, Mamethodist, Pres- . . . bohle mmogo, ke eng? Ba tlile ka tlase ga Madi. Ga go ditheke. Ga go dišitiši tša kerekeleina. Re batee. Re Bakriste. Re na le dilo tša go swana. Ee. Fa e se kgale kudu . . .

184 Go tswaleleng. Go be go le monna le mosadi, monnamogatša le mosadimogatša, ba be ba arogana. Gomme ba lekile go lokiša. Ba ile go boramenagano, go hwetša ge eba o be a tla kgona

go gogela menagano ya bona mmogo, eupša ga se a kgona. Ba ile go se sengwe le se sengwe seo ba kgonnego go nagana ka sona, go leka go dula mmogo, eupša ba nno kgakgana, gomme kgafetšakgafetša ba be ba arogana. Gomme ba be ba no se kgone go kgotlelelana seng sa bona, gomme ba sa kgone go ema ka bogoneng bja bona seng, gomme ba eya go kgakgana. Kafao, ba tšere sephetho ba be ba tla hlalana.

¹⁸⁵ Kafao, ba hirile ramolao, go ba fa tlhalo. Gomme o rile, “Gabotse, bjale, pele re e dira,” o rile, “re tla rekiša lefelo.” Gomme o rile, “Lena bohle bokaone le ye tlase le go arogana dithebola gare ga lena pele le hwetša tlhalo gomme lefelo le rekišwa.”

¹⁸⁶ Kafao, monnamogatša le mosadimogatša ba ile mmogo. Ba ile legaeng. Gomme ba ile ka kamoreng ya bodulo, gomme o rile, “Ke ya go tšea se.”

Gomme o rile, “Ke ya go tšea se.”

¹⁸⁷ Gomme ba kgakgane, gomme ba kgorometšane le go tšwelapele, seng sa bona. Morago ga lebakana, ba tla re, “Gabotse, ke tla go fa se ge o ka tšea se.” Go lokile, seo se ile pele lebakana. Morago ba ile ka kamoreng ya madulo le mafelo a go fapana, le ka moraleng, le go ya ka kamoreng ya malao. Ba arogane dithebola tša bona.

¹⁸⁸ Ka gona mafelelong ba elelwa gore go be go le dilo ka kamoreng ya godimodimo. Kafao ba ile godimo ka kamoreng ya ka godimodimo gomme ba gogile thranka ya kgale. Gomme ba thoma go bea dilo tša go fapana ntle, ba re, “O ka kgona go ba le se, gomme o ka kgona go ba le se.” Gomme mafelelong bobedi mahlo a bona a wela godimo ga selo se itšego se sennyane, gomme bobedi ba se tlimarela. Gomme ba lebelelane seng sa bona. E be e le eng? Para ya dieta tše nnyane tše tšhweu tšeo e bego e le tša lesea leo le bego le hlokofetše. E be e le karolo ya bobedi bja bona. Fao, ka diatla tša bona di kgomaretše ka mokgwa woo, godimo ga seeta sa lesea le. Ka kgonthe, e be e le sa mang? E be e le sa mang? E be e le sa bobedi bja bona. Ba bile le dilo tša go swana.

¹⁸⁹ Mo metsotsong e se mekae, ge yo motee a lebeletše go yo mongwe, megokgo ya thoma go keketla go theoga marama a bona. E be e le eng? Ba kgonne go arogana se sengwe le se sengwe gape, eupša ge ba etla go fihla ba bile le se sengwe sa go swana, ngwana, gomme le be le le legodimong, nako yeo kgakgano e be e fedile. Mo metsotsong e se mekae, ba be ba le ka matsogong a bona seng. Tlhalo e ile ya rarollwa. Khutšo ya rena.

¹⁹⁰ Gomme, baena, a nke ke bolele se go lena bošegong bjo. Ga re nyake le tšoene kereke. Eupša ke le kgopela se. Go ne selo se tee seo re nago le sona go swana, yoo ke Jesu Kriste. O a swana le rena. Bohle re ka se kgone go ba Mabaptist. Bohle re ka se kgone go ba Mamethodist. Bohle re ka se kgone go ba Maoneness, goba Mathreeness, goba e ka ba eng e lego. Re ka

se kgone go ba seo. Eupša go ne selo se tee re nago le sona sa go swana, seo ke moneelo wa tshwarelo wa Modimo, Morwa wa Gagwe, Jesu Kriste. Re na le dilo tšohle ka go Yena. Eupša seo ke selo sa pele go rena go amogela. Morago re ka kgona go hwetša dilo tše dingwe, ge re amogela tshwarelo yeo Modimo a re neetšego. Gomme yeo e ka se be ka tshepedišo ya rena ya thuto, ka tshepedišo ya dikerekemaina tša rena, eupša e tla ba ka Madi a Jesu Kriste. Bohle re ka kopana fale ka tlase ga sefapano, gomme ra ba batee le go ba le dilo go swana. A le dumela seo? A re inamišeng dihlogo tša rena feela nakwana ge re rapela. [Lefelo la go se be le selo godimo ga theipi—Mor.] Amene.

¹⁹¹ Ka dihlogo di inamišitšwe, ka nnete dipelo di inamišitšwe, a re inamišeng dipelo tša rena motsotso feela bjale, ka dihlogo tša rena, re re, “Morena, ka pelo ya ka e inamišitšwe bjale, le ka yohle metlwae ya ka, a ke a rereša goba ke phošo?” A nke Moya wo Mokgethwa o puruputše go kgabola pelo bjale. Gomme ge e se feela moo e swanetšego go ba, gomme o tla rata go gopolwa ka thapelong ka go tswaleleng, gore o a tseba gore bohle re ka kgona go kopana ka tlase ga selo se tee, Madi, Poelano. Gomme ge re dira, gona re hlwekišitšwe go tšwa go dilo tšohle tša lefase. Gomme o rata go gopolwa ka thapelong, a o ka e dira e tsebje ka go phagamišetša seatla sa gago godimo go Modimo? E re, “Nk- . . .” Modimo a go šegofatše. Oo, nna, diatla! “Nkgopole, O Morena.”

¹⁹² A o a lemoga gore ga re sa na matsatši a mantši go sepela go kgabola lefase le? O re, “Gabotse, ke yo moswa.” Ke a tseba. Ga ke tsebe, kgaetšedi, ngwanešu, go tla ba batšwamahlalagading ba bantši ba hwago bošegong bjo, go kgabaganya lefase, makgolo a bona. Aowa, selo se nnoši o nago le sona ke mohemo wo o šetšego ka go wena.

¹⁹³ A o ka dira, ka nako ye, wa re, “Ka seatla sa ka godimo, Morena Modimo, Ke amogela tshwarelo yeo O e neetšego, Madi a Jesu Kriste; bjale a nke Seka go tšwa Mading, Moya wo Mokgethwa, se tle godimo ga ka; Ga se ka amogela Moya wo Mokgethwa; ke—ke a e tseba; gomme ke—ke nyaka go amogela *Sengwe* seo se ntirago go ikwela ka tsela ye O bolelago ka yona, gore dibe tša ka tšohle di ile, gomme lefase, lerato la lefase, le fetile go tloga go nna, gomme ke nna seboopiwa se seswa; ke nyaka go tseba seo ka pelong ya ka; gomme, Modimo, ga ke phagamiše seatla sa ka go Ngwanešu Branham, eupša ke se phagamišetša go Wena; gomme O tseba pelo ya ka?” Gomme a yo mongwe a se lebelele godimo. E no dumelelang Modimo go bona se, a nnoši. Gomme o re, “Modimo, ke—ke—ke nyaka Seka, gore Madi a dirišitšwe go nna. Gomme ke a se nyaka.”

Phagamiša seatla sa gago, e re, “Nthapediše, Ngwanešu Branham.” Morena a go šegofatše. Seo se kaone.

¹⁹⁴ Ga go kgathale se o lego sona, Methodist, Baptist,

Presbyterian, ke ya mang kapa mang a ratago. Bjale, ke . . . ga ke bolele selo kgahlanong le dikereke tšela, di lokile, eupša se ke lekago go se bolela, gore yeo e ka se phološe. Le a bona?

¹⁹⁵ E swanetše go ba tshwarelo ya Modimo, mogau wa tshwarelo. Gomme o no emelwa, e sego ka kereke, eupša ka Madi a Jesu Kriste. Ao ke Kemedi ya gago, ge o ka kgona go bea diatla tša gago godimo ga Gagwe le go re, “Bjale ke amogela Kemedi ye. Modimo, nkgagele.”

¹⁹⁶ Gomme mohlomongwe go ka no ba maloko a kereke mo, ba ba tšoenne go kereke, ka tlhokofalo ye botse yohle. Ke dumela seo, ka pelo ya ka yohle, o tšoenne ka tlhokofalo. Eupša, o re, “Ngwanešu Branham, ka kgonthe, pelo ya ka ga se ya hlwekišwa go tšwa go metlwae yohle ye le dilo. Ke—ke a dumela ge yo mongwe a ka bolela kgahlanong le yona kereke yeo ke . . . Ge Beibele e bile e ka re, ya mpotša, ke tla netefatšwa ke Beibele gore kereke ya ka e fošagetše, Ke—ke sa ntše ke sa kgone go e amogela go tšwa pelong ya ka. Nka se kgone go e dira, eupša ke nyaka go dira. Nthapediše.” A o ka phagamiša seatla sa gago, wa re, “Rapela?” “Ke tla e dira. Ee, ka kgonthe ke tla dira.” Modimo a go šegofatše. Seo se lokile. Seo se kaone. “Ke—ke nyaka go kgona go amogela se sengwe le se sengwe seo Modimo a se boletšego, feela ka tsela ye A dirilego ka Beibeleng ya Gagwe. Gomme ke nyaka Madi a Jesu Kriste go tla godimo ga ka.”

¹⁹⁷ Gomme ge Madi a tloiditšwe, seka! Le a bona, fao go na le seka se se filwego sa Madi, gomme seo ke Moya wo Mokgethwa. Gomme ge Moya wo Mokgethwa o tlile fase, ka Letšatši la Pentecost, le tseba se O se dirilego go batho. Gomme nako le nako ge O ka tsoge wa tla godimo ga batho, O tla dira sona selo sa go swana. Petro o rile, “Ka gore tshepišo ke ya lena, go bana ba lena, go bona ba ba lego kgole, le ba bantši ba Morena Modimo wa rena a tlogo go ba bitša,” tshepišo ye e swanago ye.

¹⁹⁸ Ge disente tše lesome e le disente tše lesome *fa*, ke disente tše lesome ntle *kua*. Ke, kae kapa kae e lego, ke disente tše lesome. Ge ye e le taamane ka *fa*, ke taamane ka *kua*. Ge ye e le ntlo *fa*, ke nto *kua*.

¹⁹⁹ Gomme ge wo e le Moya wo Mokgethwa wo o welego ka Letšatši la Pentecost, ke Moya wo Mokgethwa wa go swana lehono. Gomme ga se wa ke wa hwetša boitemogelo bjoo? Bo amogele bjale ge re rapela, a o tla dira?

²⁰⁰ Tate wa rena wa Legodimong, go tsebeng gore—gore letšatši ka lebelo le a sobela, nako e ka se sa ba gona, letšatši le lengwe Morongwamogolo yo mogolo o tla gatela ntle go lefelotiragalo la nako, go tšwa Bokagosafelego. Gomme phalafala ya Modimo e tla lla, gomme monna le mosadi yo mongwe le yo mongwe ba tla araba go se re se tsebage go ba Therešo, Lentšu la Modimo. Go swanetše go ba selekane tsoko se Modimo a swanetšego go ba le sona mo lefaseng, se re swanetšego go ahlolwa ka sona. Gomme

ge re tšere selekane sa kereke ya rena, kerekeleina ya rena, re tla e foša bokgole bjo bokae! Gomme ke kerekeleina efe e tla bago nnete? Kagona, re tla gakanega. Re ka se tsebe re dire eng. Eupša go na le selekane, gomme seo ke Lentšu la Gago.

²⁰¹ Gomme Lentšu la Gago le rile, “Ntle le ge motho a tswalwa gape, a ka se kgone ebile go bona Mmušo wa Modimo.” Ka mantšu a mangwe, ga a kgone go o kwešiša. O swanetše go o amogela ka tumelo, gomme a tswalwe gape, gomme ka gona o tla e kwešiša. *Go bona* ke go “kwešiša.”

²⁰² Gomme re a rapela, Modimo, bošegong bjo, gore bontši bja diatla tšela di yago godimo bošegong bjo, gohlelehle moagong, borakgwebo ba toropokgolo, le basadi, bašemane, le basetsana, ke dumela ka tlhokofalo ba phagamiša seatla sa bona. Bjale, ba be ba ka se kgone go phagamiša diatla tša bona ntle le ge go be go le phenyego. Gomme Moya wo Mokgethwa, ka bona, o netefadiše go bona gore ba phošo, gomme o tlišitše phenyego gore ba nyaka go loka. Gomme ba phagamišeditše diatla tša bona godimo go Wena, Mohlodi yo mogolo, ka go tseba gore ba swanetše go kopana le Wena letšatši le lengwe. Gomme ba be ba hlokofetše, ke a dumela, Morena, gomme ke phophothela yo mongwe le yo mongwe. Ke a tshepa, bošegong bjo, Morena, ge ke rapela, gore ga go seatla se tee seo se ilego godimo se ka tsogego sa kgona go ba le khutšo go fihlela Moya wo Mokgethwa o tladiše bophelo bja bona. E fe, Morena. Ke ba tleleima bakeng sa diala tša Jesu Kriste. E dire, Morena, ke a rapela. Phološa balahlegi.

²⁰³ Tlatša bao ba amogetšego Kriste, ka Moya wo Mokgethwa. O tšhollele godimo ga disoulo tša bona, Tate. Hwetša letago go Wenamong.

²⁰⁴ Jesu, O rile go rena, “Ga go motho a ka tlogo go Nna ntle le ge Tate wa Ka a mo goga pele,” gomme, “Tumelo e tla ka go kwa, gomme go kwa Lentšu la Modimo.” Gomme bjale, Lentšu la Modimo le a rerwa, tumelo e tla ka go kwa. Gomme ba gogilwe, gobane Beibele e rile, “Bao A ba tsebilegopele, O ba kgethetšepole. Gomme bao A ba kgethetšegopele, O ba biditše. Gomme bao A ba biditšego, O ba file Bophelo bjo Bosafelego.”

²⁰⁵ Gomme bjale, morago mathomong, pele ga lefase, O beile maina a bona godimo ga Puku ya Kwana ya Bophelo. Gomme bošegong bjo Moya wo Mokgethwa o biditše. Gomme ba phagamišitše diatla tša bona. Bjale, Morena, ba fe Bophelo bjo Bosafelego. Ke e kgopela bakeng sa letago la Modimo, gore Moya wo Mokgethwa o tla tla fase ka dipelong tša bona le go di bolotša go tšwa go mediro yohle ya go hwa le metlwae, le go ba fa tebalelo ya tuutšea. Gomme ba tlatše ka Bogona bja Gagwe, gore ba ye pele go tloga letšatšing le, ka iring ya leswiswi, go swana le ge go bile ka matšatšing a Sodoma ge basadi ba go pentwa difahlego, maitshwarohlephi a šišinya ditšhaba.

206 O Morena Modimo, a nke banna le basadi ba ye pele bjalo ka dikgabo tša go tuka. A nke Moya wo Mokgethwa ka kgonthe o romele Mollo wo mokgethwa godimo ga bona, Morena, go fihla ba tla tlatšwa kudu ka bobotse bja Modimo, le—le gore ba tla ya pele, go biletša modiradibe yo mongwe le yo mongwe ba tlogo go kgomana le yena, go sefapano. E fe, Morena, moo le bona ba ka go wa gomme ba hwetše tshwarelo. Dira seo go Momethodist, Mobaptist, Mopresbyterian, Mopentecostal, le bohle, Morena. E fe. Ke ba Gago bjale. Ke ba neela ka diatleng tša Gago, gore O tla fa se go bona. Leineng la Jesu Kriste. Amene.

207 Le a Mo rata? Ke... Se se ka no ba gannyane go tšwa lenaneong. Feela nakwana. A re opeleng pina ye botse ye ya kgale. Ke—ke rata go opela. Le a tseba, mo... Dinako tše dingwe, go rereng, o bolela dilo tše di ripilego, eupša go—go ne kalafi ka Gileada, a ga go, ye e fodišago soulo?

208 A re opeleng pina ye botse ye ya kgale, ge le ka rata, “Ke a Mo rata, ke a Mo rata gobane O nthatile pele.” A le tseba pina? Yo mongwe bjale nketelele pele go tloga go nna.


Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

209 A re e hameng. Bjale, ge le sa hama *Ke A Mo Rata*. Ke Mabaptist a makae a lego fa? Phagamišetša seatla sa gago godimo. Mapresbyterian, Molutheran, Manazarene, Mopilgrim Holiness, Mapentecostal? Fao, nna, go batho! Bohle mmogo: [Ngwanešu Branham o thoma go hama *Ke A Mo Rata*.] Re dirile eng bjale ge re tlile ka tlase ga sefapano, ka tlase ga mogau wa tshwarelo? Bohle re lebaletšwe, e sego ka kereke ya rena, eupša ka Khalibari.

210 A re nong go šišinya diatlala le Mamethodist, Mabaptist, le Mapentecostal, bjale, ge re opela gape.

Ke...
Gobane O nthatile pele
Gomme a lefela phološo ya ka
Godimo ga wa Khalibari...

211 Bjale, re e opela gore yo mongwe le yo mongwe a kgone go e kwa. Bjale a re nong go inamiša dihlogo tša rena le go phagamišetša diatlala tša rena godimo bobedi go Modimo. Gomme ka pelo ya rena yohle, ge re Mo rata, a re boleleng bjalo bjale.

Ke a Mo rata, (O Modimo!) Ke a Mo rata
Gobane... 

63-1028 Tshwarelo
Ramada Inn
Tucson, Arizona U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org